

Xi³ ti¹tjon² xon⁴xi³ pa²stro⁴Pablo qui³squi³-le⁴cho⁴ta⁴corintios

Pablo si¹ti²nta³

¹ An³ nia¹³ Pablo, xi³ qui³no²cjoa⁴-na³ nca³ pa²stro⁴-le⁴ Jesucristo coan³, jo³-s⁷in² coan³me³-le⁴ Ni³na¹, c⁷oa⁴ cao⁴ je² nts⁷e³² Sóstenes,

² ti³chji³-lai²⁴jin⁴ jon² xi³ na⁴xi⁴na³nta¹-le⁴ Ni³na¹, xi³ ti³yo³ ya⁴ Corinto, xi³ coan³tsjao³ nca³ ti³yo³cao⁴³ Cristo Jesús. Qui³no²cjoa⁴-no³ nca³ cho⁴ta⁴-le⁴ Cristo coan⁴³ cao⁴ nca³ts⁷i³ to⁴jña³-ni³ve⁴ xi³ nchja⁴ jan³⁷ain¹-le⁴ Nai³-na¹ Jesucristo, Nai³-le⁴ xi³ ts⁷e⁴, c⁷oa⁴ xi³ tsan⁴².

³ Ca²ta³tsjao¹-no³ cjoa⁴nta³, ca²ta³si¹qui³njen³nch⁷an¹jin³ ni⁴ma⁴-no³ Ni³na¹ je² N⁷ai³-na¹ cao⁴ Nai³-na¹ Jesucristo.

Pablo tsjao¹-le⁴ cjoa⁴nta³ Ni³na¹

⁴ Cjoa⁴nta³ tsjao³-le⁴ Ni³na¹ nca³ntsjai² xi³ t⁷a³tsaon⁴³, xi³ t⁷a³ts⁷e⁴ je² cjoa⁴nta³-le⁴ Ni³na¹ xi³ qui³ts⁷ai²-no³ nca³ ti³yo³cao⁴³ Cristo Jesús.

⁵ Coan³nchi⁴na¹-lao⁴³ nca³yi³je³ cjoa⁴ nca³ ti³yo³cao⁴³ Cristo, jo³-s⁷in² nca³ no²cjoao⁴³ cao⁴ jo³-s⁷in² nca³ ma³cho⁴ya³-no³.

⁶ C⁷oa⁴-s⁷in² je² en¹ xi³ t⁷a³ts⁷e⁴ Cristo coan³qui²xi⁴ya³jin³ ni⁴ma⁴-no³.

7 Ni⁴jme³-jin² cjoa⁴tjao² xi³ cha³-no³, nca³ ti³cho³ya²-lao⁴³ nca³ cjoa⁴⁷ai¹ c⁷a³tsen³ je² Nai³-na¹ Jesucristo.

8 Jesucristo coa⁴sen⁴n⁷ion¹-no³ sa³⁷nta³ nca³ cjoe⁴⁷a³, jme¹-ni³ nca³ tsi²jme³ je¹ s⁷e⁴-si¹ni³no³ c⁷ia⁴ ni⁴čhjin³-le⁴ je² Nai³-na¹ Jesucristo.

9 Ni³na¹ n⁷ion¹t⁷a³con³, je² xi³ qui³nchja⁴-no³ nca³ to⁴jnc³ coi⁴yo³cao⁴³ je² n⁷ti¹-le⁴ xi³ Nai³-na¹ Jesucristo.

A³ncjin²ya³ma³-ni³Cristo

10 V⁷e³ts⁷oa²³-no³ nts⁷e³², xi³ to⁴⁷a³ts⁷e⁴ jan³⁷ain¹-le⁴ Nai³-na¹ Jesucristo, nca³ nca³ts⁷io³ to⁴nco¹son²-s⁷in² coi⁴xon¹³, c⁷oa⁴ nca³ tsi² tsa² jme³ cjoa⁴si³ s⁷e⁴j³in³-no³ nca³ jon². To⁴sa³ ña³qui³ to⁴jnc³ ti⁴yo³ nca³ to⁴jnc³ cjoa⁴fa³⁷ai³tsjen³, c⁷oa⁴ nca³ to⁴nco¹son²-s⁷in² cho¹son²-lao⁴³.

11 Je² cho⁴ta⁴ xi³ ts⁷e⁴ Cloé qui³si³qui²xi⁴ya³-na³ xi³ t⁷a³tsaon⁴³, nts⁷e³², nca³ tjin¹-no³ cjoa⁴cho³va²ti³ya³-ni³.

12 Coi³ xi³ ti²xian³: Jnc¹jnc¹ nca³ jon² c⁷oi⁴vi³xon¹³: An³ ts⁷e⁴ Pablo nia¹³, to⁴nca³ an³ ts⁷e⁴ Apolos nia¹³, to⁴nca³ an³ ts⁷e⁴ Cefas nia¹³, to⁴nca³ an³ ts⁷e⁴ Cefas nia¹³, to⁴nca³ an³ ts⁷e⁴ Cristo nia¹³.

13 A³ ncjin² ya³ ma³-ni³ Cristo. A³ qui³s⁷e³t⁷a³ cro² Pablo xi³ t⁷a³tsaon⁴³. A³xo⁴ a³ qui³sa³te²nta¹t⁷a³-lao⁴³ Pablo.

14 Cjoa⁴nta³ tsjoa³-le⁴ Ni³na¹ nca³ ni⁴jnc³-jin² tsa³ca³te³nta¹³-no³ nca³ jon², to⁴je² Crispo cao⁴ Gayo.

15 Ni⁴⁷ya³-jin² xi³ c⁷oa⁴coi⁴tso⁴ nca³ qui³sa³te²nta¹t⁷a³-nao¹³.

16 C⁷oa⁴-ti⁴ tsa³ca³te³nta¹³ xi¹ncjin¹ Estéfanas, to⁴nca³ li²coi³ ve³ tsa² tsa³ca³te³nta¹³-sa³ xi³ cja⁴ai¹.

17 Nca⁴ tsi² tsa² coi³ xa¹ qui³si³ca³sen¹-na³ Cristo nca³ cho⁴ta⁴ coa³te³nta¹³. To⁴coi³ xa¹ qui³si³ca³sen¹-na³ nca³ coi³nchja²ya³-nia³ je² en¹nta³ xi³ t⁷a³ts⁷e⁴ Cristo, li²coi³ cao⁴ cjoa⁴chji⁴ne⁴ xi³ to⁴xquia⁴ en¹, jme¹-ni³ nca³ tsi² cha⁴-si¹ni³ nca³n⁷ion¹-le⁴ cro²-le⁴ Cristo.

Cristo nca³n⁷ion¹-le⁴ Ni³na¹ c⁷oa⁴ cjoa⁴i³sen³ta³con²-le⁴

18 Je² en¹ xi³ t⁷a³ts⁷e⁴ cro² to⁴cjoa⁴sca¹ ma³-le⁴ je² xi³ cha³jín³, to⁴nca³ ña¹ xi³ vi²tjo⁴ntje², coi³ xi³ nca³n⁷ion¹-le⁴ Ni³na¹ ma³-na¹.

19 C⁷oa⁴-s⁷in² tji¹t⁷a³: Si³cha³ cjoa⁴chji⁴ne⁴-le⁴ cho⁴ta⁴ xi³ chji⁴ne⁴, c⁷oa⁴ sca³ni²t⁷a³xian²³ cjoa⁴i³sen³ta³con²-le⁴ cho⁴ta⁴ xi³ ma³cho⁴ya³-le⁴.

20 Jña¹ ti¹jna³ xi³ tjin¹-le⁴ cjoa⁴chji⁴ne⁴. Jña¹ ti¹jna³ xi³ ma³-le⁴ fa³jín³-le⁴ i⁴ son³⁷nte³-vi⁴ nt⁷ai⁴-vi⁴. Ni³na¹ a³ tsi² tsa² qui³si³sca¹ya³-le⁴ je² cjoa⁴chji⁴ne⁴-le⁴ son³⁷nte³-vi⁴.

21 Je² son³⁷nte³ li²coi³ tsa³ve³ Ni³na¹ xi³ to⁴t⁷a³ts⁷e⁴ cjoa⁴chji⁴ne⁴-le⁴ cho⁴ta⁴. Ni³na¹ xi³ c⁷oa⁴qui³tso² cao⁴ cjoa⁴i³sen³ta³con²-le⁴. Qui³sa³sen³-le⁴ Ni³na¹ nca³ ts⁷a³sje³ntjai² je² xi³ ma³cjain¹-le⁴ xi³ to⁴t⁷a³ts⁷e⁴ cjoa⁴sca¹ xi³ ts⁷e⁴ en¹ xi³ qui³no²cjoa⁴ya³.

22 Je² cho⁴ta⁴ judío si¹je¹ choa⁴, c⁷oa⁴ je² cho⁴ta⁴ griego va³jnqui³sjai³ cjoa⁴chji⁴ne⁴,

23 to⁴nca³ ña¹-vi⁴ no²cjoa⁴ya³² t⁷a³ts⁷e⁴ Cristo nca³ qui³s⁷e³t⁷a³ cro². Xi³ to⁴t⁷a³ts⁷e⁴ coi³-vi⁴ sa³te¹nqui³

cho⁴ta⁴ judío, c⁷oa⁴ to⁴cjoa⁴sca¹ ma³ xi³ t⁷a³ts⁷e⁴ je²
cho⁴ta⁴ xi³ li² judío-jin².

24 To⁴nca³ t⁷a³ts⁷e⁴ xi³ qui³no²cjoa⁴-le⁴, cho⁴ta⁴
judío cao⁴ cho⁴ta⁴ griego nca³ jao², Cristo
nca³n⁷ion¹-le⁴ Ni³na¹ ni¹ c⁷oa⁴ cjoa⁴i³sen³ta³con²-le⁴
Ni³na¹ ni¹.

25 Je² cjoa⁴sca¹-le⁴ Ni³na¹ nqui²sa⁴ chji⁴ne⁴ cao⁴-
ni³ tsa² cjoa⁴chji⁴ne⁴-le⁴ cho⁴ta⁴son³nte³, c⁷oa⁴
cjoa⁴i³nta³-le⁴ Ni³na¹ nqui²sa⁴ tjin¹-le⁴ nca³n⁷ion¹
cao⁴-ni³ tsa² nca³n⁷ion¹-le⁴ cho⁴ta⁴son³nte³.

26 Ti⁴cja³ai³tsjaon³ jo³-s⁷in² qui³no²cjoa⁴-no³,
nts⁷e³, nca³ tsi² to⁴jo³ ncjin² ma³-nio³ xi³ chji⁴nao⁴
jo³-s⁷in² si¹cja³ai³tsjen³ cho⁴ta⁴son³nte³, nca³ tsi²
ncjin² xi³ nca³n⁷ion¹ tjin¹-no³, nca³ tsi² ncjin² xi³
nc⁷a³ cjoaon³.

27 To⁴sa³ Ni³na¹ tsa³cja³a¹j¹in³ je² xi³ sca¹ya³-le⁴ i⁴
son³nte³-vi⁴, jme¹-ni³ nca³ si⁴2soa³-si¹ni³le⁴ je² xi³
chji⁴ne⁴. C⁷oa⁴ Ni³na¹ tsa³cja³a¹j¹in³ je² xi³ i³nta³ i⁴
son³nte³-vi⁴, jme¹-ni³ nca³ si⁴2soa³-si¹ni³le⁴ je² xi³
tjin¹-le⁴ nca³n⁷ion¹.

28 C⁷oa⁴ Ni³na¹ tsa³cja³a¹j¹in³ je² xi³ yo⁴ma⁴, c⁷oa⁴
je² xi³ taon³ya³ i⁴ son³nte³-vi⁴, c⁷oa⁴ je² xi³ tsi² tsa²
coi³ tjin¹, jme¹-ni³ nca³ si⁴2qui³xo²ya³-ni³ xi³ tjin¹,

29 jme¹-ni³ nca³ ni⁴jnc³-jin² cho⁴ta⁴ coan⁴nc⁷a³-
ni³con³ nqui³xcon⁴ nca³ je².

30 Ts⁷e⁴ Ni³na¹ nio¹³ jon² nca³ ti³yo³cao⁴ Cristo
Jesús. Je² xi³ Ni³na¹ qui³tsjoa³ nca³ cjoa⁴chji⁴ne⁴-
na¹ coan³. Je² xi³ qui³si³cje³t⁷a³ je¹-na¹, c⁷oa⁴
qui³si³tsje³-na¹, c⁷oa⁴ tsa³c⁷e¹chji¹ntjai²-na¹.

31 Coi³ cjoa⁴-vi⁴, jo³-s⁷in² tji¹t⁷a³, je² xi³
v⁷a³sje³je³ya³ yao³-le⁴, ca²ta³v⁷a³sje³je³ya³ yao³-le⁴

nca³ ti¹jna³cao⁴ Nai³-na¹.

2

Pablo nchja⁴ya³ t²a³ts²e⁴ Cristo nca³ qui³s²e³t²a³cro²

¹ Nts²e³², c²ia⁴ nca³ qui³con³-no³, a³li² cao⁴ en¹nc²a³-jin² qui³con³-no³, ni⁴cao⁴ cjoa⁴chji⁴ne⁴ xi³ nc²a³-jin² nca³ qui³tsjoa³-no³ cjoa⁴qui²xi⁴ xi³ t²a³ts²e⁴ Cristo.

² Tsi² tsa² cja⁴⁷ai¹ cjoa⁴ xi³ qui³si³cja³⁷ai³tsjen³-sa³ jin³-no³ nca³ jon², to⁴je² Jesucristo, c²oa⁴ je² nca³ qui³s²e³t²a³cro².

³ I³nta³ coan³ cjoan³ an³, qui³t²sa³cjoan³, c²oa⁴ jo³ qui³fa³tse¹coa⁴ c²ia⁴ nca³ tsa³ca²te⁴jna³cao⁴-no³.

⁴ Je² en¹-na⁴ cao⁴ je² cjoa⁴qui²xi⁴ xi³ qui³nchja²ya³ li²coi³ qui³nchja²ya³jin³-no³ cao⁴ cjoa⁴chji⁴ne⁴-le⁴ cho⁴ta⁴ xi³ to⁴xquia⁴ v²e¹jnc³-ta³con²³, to⁴nca³ c²ia⁴ nca³ qui³nchja²ya³ c²oa⁴-s²in² tsa³ca³co³son²tsen³-no³ je² Espíritu Santo cao⁴ nca³n⁷ion¹-le⁴,

⁵ jme¹-ni³ nca³ tsi² coan⁴cjain¹-si¹ni³no³ to⁴t²a³ts²e⁴ cjoa⁴chji⁴ne⁴-le⁴ cho⁴ta⁴, to⁴nca³ to⁴t²a³ts²e⁴ nca³n⁷ion¹-le⁴ Ni³na¹.

Je² Espíritu Santo va³co¹ya³

⁶ To⁴nca³ no²cjoa⁴-ni¹⁴jin⁴ cjoa⁴chji⁴ne⁴ jin³-le⁴ cho⁴ta⁴ xi³ je²coan³jcha¹. Je² cjoa⁴chji⁴ne⁴-vi⁴ li²coi³ ts²e⁴ son³⁷nte³-vi⁴ nt²ai⁴-vi⁴, ni⁴ts²e⁴ cho⁴ta⁴ti¹tjon² xi³ ts²e⁴ son³⁷nte³-vi⁴jin² xi³ cha⁴.

⁷ To⁴nca³ no²cjoa⁴-ni¹⁴jin⁴ cjoa⁴chji⁴ne⁴ xi³ ts²e⁴ Ni³na¹, xi³ ma³ tjin¹, xi³ ti¹jna³⁷ma³ sa³⁷nta³ nca³s²a⁴, xi³ to⁴nqui³-ni³ nca³ to²ts²in³-le⁴ cjoa⁴, xa¹ tsa³c²e¹nta³-ni³ Ni³na¹ xi³ t²a³ts²e⁴ cjoa⁴je³ya³-na¹.

8 Ni⁴jnc³-jin² cho⁴ta⁴ti¹tjon² xi³ ts⁷e⁴ son³⁷nte³-vi⁴ nt⁷ai⁴-vi⁴ coan³cho⁴ya³-le⁴ je²-vi⁴. Tsa²coan³cho⁴ya³-la²ni³le⁴ tsa²cai³, li²coi³ tsa³ca¹t⁷a³cro² Nai³-na¹ xi³ tjin¹-le⁴ cjoa⁴je³ya³

9 Tji¹t⁷a³: Cjoa⁴ xi³ tsi² xcon⁴ tsa³ve³-ni³, ni⁴xo⁴ño³-jin² qui³nč⁷oe¹-ni³, ni⁴ni⁴ma⁴-le⁴ cho⁴ta⁴-jin² qui³si³cja³⁷ai³tsjen³-ni³, cjoa⁴ xi³ Ni³na¹ tsa³c⁷e¹jna³nta³-ni³ xi³ t⁷a³ts⁷e⁴ je² xi³ tsjoa³que³nca³ je².

10 Je² cjoa⁴-vi⁴ Ni³na¹ qui³si³c⁷a³tsen³-na¹ xi³ to⁴t⁷a³ts⁷e⁴ Espíritu Santo. Je² Espíritu Santo nta³va¹sjai³ya³ nca³yi³je³, nta³ tsa² je² xi³ ñ⁷ain³ tjin¹ xi³ ts⁷e⁴ Ni³na¹.

11 ⁷ya¹-ni³ xi³ cho⁴ta⁴ xi³ ve³ cjoa⁴fa³⁷ai³tsjen³-le⁴ xi³ nqui²jnc³ cho⁴ta⁴, to⁴je² espíritu xi³ ti⁴ts⁷e⁴-ni³ xi³ ti¹jna³j³in³-le⁴ nca³ je². C⁷oa⁴-ti⁴s⁷in² ni⁴⁷ya³-jin² xi³ coan³cho⁴ya³-le⁴ cjoa⁴fa³⁷ai³tsjen³-le⁴ Ni³na¹, to⁴je² Espíritu Santo xi³ ts⁷e⁴ Ni³na¹.

12 A³li² je²-jin² espíritu xi³ ts⁷e⁴ son³⁷nte³ qui³ts⁷ai²-na¹, to⁴nca³ je² Espíritu Santo xi³ ts⁷e⁴ Ni³na¹, jme¹-ni³ nca³ jcha⁴-si¹nia³² je² cjoa⁴ xi³ Ni³na¹ qui³tsjoa³cjoa⁴tjao²-na¹.

13 Je² cjoa⁴-vi⁴ xi³ c⁷oa⁴-s⁷in² no²cjoa⁴², a³li²coi³cao⁴ en¹ xi³ cjoa⁴chji⁴ne⁴-le⁴ cho⁴ta⁴ va³co¹ya³-na¹, to⁴nca³cao⁴ en¹ xi³ je² Espíritu Santo va³co¹ya³-na¹. Cao⁴ en¹ xi³ ts⁷e⁴ Espíritu Santo ni²c⁷a³to³ya³² cjoa⁴ xi³ ts⁷e⁴ Espíritu Santo.

14 Je² cho⁴ta⁴ xi³ to⁴xa¹ cjoan³-ni³ li²coi³ cjoe¹ je² cjoa⁴ xi³ ts⁷e⁴ Espíritu Santo xi³ ts⁷e⁴ Ni³na¹, nca³ to⁴cjoa⁴sca¹ ma³-le⁴. Li²coi³ ma³ ma³cho⁴ya³-le⁴ nca⁴ to⁴cao⁴ Espíritu Santo cho²t⁷a³j³in³ je² cjoa⁴-

ve⁴.

15 Je² xi³ Espíritu Santo ti¹jna³jín³ ni⁴ma⁴-le⁴ co³t²a³jín³ nca³yi³je³ cjoa⁴, to⁴nca³ li²ya³ xi³ co³t²a³ nca³ je².

16 ya¹-ni³ xi³ tsa³ve³ cjoa⁴fa³ai³tsjen³-le⁴ Nai³-na¹. ya¹ xi³ tsa³ca³co¹ya³-le⁴. To⁴nca³ ña¹ tjin¹-na¹ je² cjoa⁴fa³ai³tsjen³ xi³ ts⁷e⁴ Cristo.

3

Pa²stro⁴ to¹jnc³ si¹xa¹cao⁴ Ni³na¹

1 An³ li²coi³ coan³-na³ nca³ tsa³cja²cao⁴-no³, nts⁷e³, jo³-ni³ tsa² je² xi³ nta³ si¹tjo³son²-le⁴ Espíritu Santo. To⁴nca³ tsa³cja²cao⁴-no³ jo³-ni³ tsa² xi³ to⁴cho⁴ta⁴son³nte³, jo³-ni³ tsa² xi³ to⁴nti¹xti³ t²a³ts⁷e⁴ Cristo.

2 Qui³si³c⁷i³-no³ nta¹chi³qui³. Li²coi³ tso³jmi² xi³ ta²ja³ qui³tsjoa³-no³, nca⁴ cje³ coan³-jin²sa³no³, ni⁴nt⁷ai⁴-jin² ma³-no³,

3 nca⁴ to⁴jo³ c⁷oa⁴mao³ jo³-ni³ tsa² cho⁴ta⁴son³nte³. Ti¹jna³jín³-no³ cjoa⁴chi⁴ni⁴, cjoa⁴cho³va²ti³ya³-ni³, c⁷oa⁴ ncjin² ya³ ma³-nio³. A³ tsi² tsa² jo³-ni³ cho⁴ta⁴son³nte³ mao³, c⁷oa⁴ ma³nquin¹cao⁴ yao³-no³ jo³-ni³ tsa² cho⁴ta⁴son³nte³.

4 To⁴c⁷ia⁴-ni³ nca³ tjin¹ xi³ c⁷oi⁴coi⁴tso⁴: An³ ts⁷e⁴ Pablo nia¹³, c⁷oa⁴ je² xi³jnc³: An³ ts⁷e⁴ Apolos nia¹³, a³ tsi² tsa² to⁴xquia⁴ cho⁴ta⁴son³ntao³.

5 ya¹-ni³ tso²c⁷oa⁴ Pablo. C⁷oa⁴ ya¹-ni³ Apolos. Cho⁴ta⁴ xi³ si¹xa¹-le⁴ Ni³na¹, xi³ to⁴t⁷a³ts⁷e⁴ nca³ c⁷oa⁴-s⁷in² coan³cjin¹-no³. C⁷oa⁴-s⁷in² Nai³-na¹ qui³tsjoa³-le⁴ xa¹ nca³ jnc³1jnc³1.

6 An³ tsa³c⁷e³ntje²³, Apolos tsa³c⁷e¹jten⁴nqui³-le⁴ na³nta¹, to⁴nca³ Ni³na¹ xi³ qui³si³jcha¹.

7 Ni⁴je²-jin² xi³ v⁷e¹ntje² xi³ chji¹-le⁴, ni⁴je²-jin² xi³ na³nta¹ v⁷e¹jten⁴nqui³-le⁴, to⁴nca³ Ni³na¹ xi³ si¹jcha¹.

8 Je² xi³ v⁷e¹ntje², c⁷oa⁴ je² xi³ na³nta¹ v⁷e¹jten⁴nqui³-le⁴, to⁴nco¹son² ma³, nta³ tsa² c⁷oai⁴-le⁴ jnco¹jnco¹ je² chji¹-le⁴ jo³-s⁷in² coan³ xa¹-le⁴.

9 Nca⁴ jin⁴-jin⁴ to⁴jnco³ ni²xa¹coai⁴-jin⁴ Ni³na¹, c⁷oa⁴ jon² nio¹³ nte³-le⁴ jña³ nca³ si¹xa¹ Ni³na¹, c⁷oa⁴ jon² nio¹³ nt⁷ia³-le⁴ xi³ v⁷e¹nta³ Ni³na¹.

Nca³ jnco¹jnco¹ cho¹t⁷a³ xa¹-le⁴

10 Jo³-s⁷in² qui³tsjoa³-na³ cjoa⁴nta³ Ni³na¹, jo³-ni³ je² xi³ n⁷ion¹ nta³ ma³-le⁴ v⁷e¹nta³ nt⁷ia³, an³ xi³ tsa³c⁷e³jna²³ xjao¹ja⁴ma⁴, c⁷oa⁴ nqui²jnco³ xi³ v⁷e¹nta³son². Jnco¹jnco¹ ca²ta³si¹coi²nta⁴ jo³-s⁷in² nca³ v⁷e¹nta³son².

11 Ni⁴⁷ya³-jin² xi³ coan⁴-le⁴ c⁷oe⁴²jna³ nqui²jnco³ xjao¹ja⁴ma⁴ cao⁴-ni³ tsa² je² xi³ je³ti¹jna³ xi³ coi³ Jesucristo.

12 Tsa² ya³-ni³ xi³ c⁷oe⁴²nta³son²-ni³ xjao¹ja⁴ma⁴-vi⁴ taon⁴si³ne², taon⁴choa³, la⁴jao⁴chji¹ xi³ na⁴sca¹ cjoan³, ya¹, li⁴ji⁴, xca⁴,

13 xa¹-le⁴ nca³ jnco¹jnco¹ coan⁴tsen³. Je² ni⁴chjin³-ve⁴ si⁴²c⁷a³tsen³ nca³ cao⁴ l⁷i¹ coan⁴tsen³-ni³. Je² l⁷i¹-ve⁴ xi³ sco¹t⁷a³ xa¹-le⁴ nca³ jnco¹jnco¹ jo³ cjoan³.

14 Tsa² jnco³ xi³ xa¹-le⁴ s⁷e⁴jna³, xi³ c⁷oa⁴-s⁷in² tsa³c⁷e¹nta³son², c⁷oai⁴-le⁴ chji¹-le⁴.

15 Tsa² jnco³ xi³ xa¹-le⁴ coi⁴ti⁴, cha⁴ chji¹-le⁴, to⁴nca³ je² cho⁴ta⁴-ve⁴ coi⁴tjo³ntjai²-ni¹, to⁴nca³ jo³-ni³ xi³ coi⁴tjo³jin³-ni³ l⁷i¹.

16 A³ tsi² tsa² ʔyao³ nca³ jon² xi³ ntʔia³-le⁴ Ni³na¹ ʔmi²-no³, cʔoa⁴ je² Espiritu Santo xi³ tsʔe⁴ Ni³na¹ ti¹jna³jin³ ni⁴ma⁴-no³.

17 Tsa² jnco³ xi³ si¹qui³tson¹ je² ntʔia³-le⁴ Ni³na¹, Ni³na¹ si⁴2qui³tson¹ nca³ je², nca⁴ ntʔia³-le⁴ Ni³na¹ tsje³-ni¹, jña³-le⁴ xi³ coio³ nca³ jon².

18 Ni⁴ʔya³-jin² xi³ ti⁴je² ca²ta³vʔe¹na⁴cha⁴-ni³le⁴ yao³-le⁴. Tsa² ʔya³-ni³ve⁴ jin³-no³ nca³ jon² xi³ to⁴si¹cja³ʔai³tsjen³jin³ nca³ chji⁴ne⁴ i⁴ son³ʔnte³-vi⁴ ntʔai⁴-vi⁴, sca¹ya³ ca²ta³ma³-le⁴, jme¹-ni³ nca³ ña³qui³ chji⁴ne⁴ coan⁴-si¹ni³.

19 Je² cjoa⁴chji⁴ne⁴-le⁴ son³ʔnte³-vi⁴ cjoa⁴sca¹ ni¹ xi³ tʔa³tsʔe⁴ Ni³na¹, nca⁴ cʔoa⁴-sʔin² tji¹tʔa³: Je² xi³ tsoa⁴ cho⁴ta⁴chji⁴ne⁴ ti⁴cʔia⁴-ni³ nca³ sʔin¹ cjoa⁴ma²ña⁴-le⁴.

20 Nqui²jnco³cʔa² tji¹tʔa³: Nai³-na¹ ve³ nca³ je² cjoa⁴fa³ʔai³tsjen³-le⁴ cho⁴ta⁴chji⁴ne⁴ tsi²jme³ chji¹-le⁴.

21 Cʔoa⁴-sʔin² ni⁴jnco³-jin² xi³ ca²ta³vʔa³sje³je³ya³ cho⁴ta⁴, nca⁴ nca³yi³je³ tsaon⁴³ nio¹³.

22 Tsa² Pablo, tsa² Apolos, tsa² Cefas, tsa² je² son³ʔnte³-vi⁴, tsa² cjoa⁴vi³jna³chon³, tsa² cjoa⁴vi³ya³, tsa² je² xi³ ntʔai⁴, tsa² je² xi³ cjoa⁴ʔai¹, nca³yi³je³ tsaon⁴³ nio¹³.

23 Cʔoa⁴ jon² tsʔe⁴ Cristo nio¹³, cʔoa⁴ Cristo tsʔe⁴ Ni³na¹ ni¹.

4

Je² xa¹-le⁴ pa²stro⁴

1 Cho⁴ta⁴ cʔoa⁴-sʔin² ca²ta³ve³-na³jin⁴ jo³-ni³ tsa² xi³ si¹xa¹-le⁴ Cristo, xi³ si¹coi²nta⁴ cjoa⁴ʔma³-le⁴ Ni³na¹.

2 Ma³chjen¹ nca³ je² xi³ si¹coi²nta⁴, nca³ jnco¹jnco¹ n⁷ion¹t⁷a³con³ ca²ta³ma³.

3 An³ n⁷ion¹ choa³ coi²nta⁴-na³ tsa² jon² v⁷e²nta³j³in³-nao¹³, c⁷oa⁴ tsa² xi³ cho⁴ta⁴xa¹ v⁷e¹nta³j³in³-na³. Ni⁴⁷an³-jian²³ v⁷e³nta³j³in³-le⁴ yao³-na⁴.

4 Nta³ tsa² an³ si³cja³⁷ai³tsjen³ nca³ li²jme³ je¹ tj³in¹-na³, li²to⁴coi³-j³in² nca³ fe³t⁷a³ je¹-na⁴. To⁴nca³ je² xi³ v⁷e¹nta³j³in³-na³, je² Nai³-na¹.

5 Li²jme³ xi³ c⁷oe¹nta³j³ion³ nca³ to⁴nqui³-ni³ ni⁴ch³j³in³-le⁴, c⁷ia⁴² sa³⁷nta³ nca³ cjoa⁴⁷ai¹ Nai³-na¹ xi³ si⁴²⁷i³sen³ xi³ tji¹⁷ma³ j³na³ nj³ion² chon³, c⁷oa⁴ xi³ coa⁴co²son²tsen³ cjoa⁴fa³⁷ai³tsjen³-le⁴ ni⁴ma⁴-na¹. C⁷ia⁴² Ni³na¹ c⁷oa⁴sje³je³ya³ nca³ jnco¹jnco¹.

6 To⁴nca³ je²-vi⁴, nts⁷e³², qui³xian³ t⁷a³ts⁷an⁴, c⁷oa⁴ t⁷a³ts⁷e⁴ Apolos, nca³ c⁷oa⁴-s⁷in² tsa³cja³ntia⁴²-lai²⁴j³in⁴ nca³ jon², jme¹-ni³ nca³ cao⁴ jin⁴-jin⁴ cho¹t⁷a³ya³-si¹nio³ nca³ tsi² nqui²sa⁴ tse³ s⁷ian⁴-sao³ jo³ tj³in¹ xi³ tji¹t⁷a³, jme¹-ni³ nca³ tsi² nc⁷a³con³ coa⁴nquin¹t⁷a³-si¹ni³lao⁴³ jnco³ cho⁴ta⁴, c⁷oa⁴ co²ntran⁴ coa⁴nquin¹-lao⁴³ xi³ cja⁴⁷ai¹.

7 ⁷ya¹-ni³ xi³ fa³⁷a¹j³in³-li², c⁷oa⁴ jme¹ xi³ tj³in¹-li² xi³ tsi² qui³ts⁷ai²-li². Tsa² qui³ts⁷ai²-li², a¹-ni³ nca³ nc⁷a³ ma³-ni³li² jo³-ni³ tsa² xi³ tsi² qui³ts⁷ai²-li².

8 Je³qui³tsao³, je³nchi⁴nao¹³. Nta³ tsa² tsi² cao⁴ jin⁴-jin⁴ je³va³te²xo³mao³. Jo¹ to⁴nta³ tsa² cjoa⁴qui²xi⁴ nca³ va³te²xo³mao³, jme¹-ni³ nca³ c⁷oa⁴-ti⁴ jin⁴-jin⁴ to⁴jnco³ cao⁴ jon² coa⁴te²xo³ma³-si¹nia³².

9 Si³cja³⁷ai³tsjen³ an³ nca³ jin⁴-jin⁴ xi³ pa²stro⁴ ⁷mi²-na³j³in⁴, Ni³na¹ tsa³ca³co¹son²tsen³ nca³ jin⁴-jin⁴ xi³ fe³t⁷a³, jo³-ni³ xi³ cjoa⁴vi³ya³ cji³ne²-na³j³in⁴, nca⁴

to⁴cjoa⁴sca¹ coain³⁴-jin⁴ nqui³xcon⁴ son³⁷nte³ cao⁴
a²ncje⁴ cao⁴ cho⁴ta⁴.

10 Sca¹-na³jin⁴ nca³ jin⁴-jin⁴ xi³ t'a³ts'e⁴ Cristo,
to⁴nca³ jon² tjin¹-no³ cjoa⁴⁷i³sen³ta³con² nca³
ti³yo³cao⁴³ Cristo. I³nta³jin³ nca³ jin⁴-jin⁴, to⁴nca³
jon² ta²ja³-nio¹³. Jon² xcon¹ 'ya³-no³, to⁴nca³ jin⁴-
jin⁴ ch⁷ao³ 'ya³-na³jin⁴.

11 Sa³⁷nta³ je² hora-vi⁴ cji³ncha¹-na³jin⁴, c'oa⁴
fa³ti²-na³jin⁴, c'oa⁴ tsin²-na³jin⁴ na³jñ³-jin², c'oa⁴
qui³tsin²⁷oain³⁴-jin⁴ nca³ qui³s'e³-na³jin⁴, c'oa⁴
to⁴ti³ma³son²-ni¹⁴jin⁴ nca³ tsin²-na³jin⁴ nt'ia³.

12 Tse³ ni²xa¹-ni³⁴jin⁴ ntsai⁴-jin⁴. C'ia⁴ nca³ ch'ao³
tso²-na³jin⁴, ni²chi³con³t'ain³⁴-jin⁴ nca³ je². C'ia⁴
nca³ si¹cja³⁷a¹-na³jin⁴ cjoa⁴ñ'ain³, jcho¹cjoa⁴cao⁴-
na³jin⁴.

13 C'ia⁴ nca³ nchja⁴⁷aon³-na³jin⁴, nta³ no²cjoa⁴-
lai⁴jin⁴. To⁴tje¹-le⁴ son³⁷nte³ je³cji³mai³⁴-jin⁴, jo³-
ni³ tsa² nta¹jto³-le⁴ nca³yi³je³ to⁴jme³-ni³ve⁴ sa³⁷nta³
nt'ai⁴-vi⁴.

14 Li²coi³ cja³ je²-vi⁴ nca³ si³soa³-no³, to⁴nca³
v'e³ne²³-no³ jo³-ni³ tsa² xti³-na⁴ xi³ tsjoa³que⁴.

15 Nta³ tsa² tjin¹-no³ te³ jmi³ cho⁴ta⁴ xi³ si¹coi²nta⁴-
no³ nca³ ti³yo³cao⁴³ Cristo, li²coi³ ncjin² n'ai³ s'e³-
no³. Nca⁴ ti³yo³coa⁴² Cristo an³ coan³ n'ai³-no³ xi³
to⁴t'a³ts'e⁴ je² en¹nta³ xi³ t'a³ts'e⁴ Cristo.

16 To⁴coi³ v'e³ts'o⁴²³-no³ nca³ chjen¹nqui³-nao¹³.

17 To⁴coi³ cjoa⁴ nca³ qui³si³ca³sen¹³-no³ Timo-
teo, 'nti¹-na⁴ xi³ tsjoa³que⁴, xi³ n'ion¹t'a³con³ nca³
ti¹jna³cao⁴ Nai³-na¹. Timoteo si⁴²cja³⁷ai³tsjen³jin³-
no³ xi³ t'a³ts'e⁴ ntia⁴²-na⁴, jo³-s'in² tso²⁷va⁴coa⁴
Cristo, jo³-s'in² va³co³ya²³-le⁴ nca³ts'i³ cho⁴ta⁴-le⁴

Cristo nca³qui³jnta².

18 Tjin¹ c⁷a³ xi³ nc⁷a³ ma³con³, jo³-ni³ tsa² ni⁴c⁷ia⁴-jin² cjo¹con³-no³ nca³ jon².

19 To⁴nca³ cjo¹con³nti⁴ton⁴-no³, tsa² Nai³-na¹ me³-le⁴, c⁷oa⁴ scoe³-nia¹³ li²coi³ je² en¹-le⁴ xi³ to⁴nc⁷a³con³ tjio¹ma³, to⁴nca³ je² nca³n⁷ion¹-le⁴.

20 Je² cjoa⁴te¹xo³ma³-le⁴ Ni³na¹ li²coi³ to⁴cao⁴ en¹-jin² s⁷e³-ni³, to⁴nca³ cao⁴ nca³n⁷ion¹.

21 Jme¹ xi³ me³-no³. A³ cjo¹con³-no³ cao⁴ ya¹jti³, a³xo⁴ cao⁴ cjoa⁴tjao²cha³, c⁷oa⁴ cao⁴ cjoa⁴nt⁷e¹ta³con².

5

Pablo tsjoa¹ cjoa⁴qui²xi⁴ xi³ t⁷a³ts⁷e⁴ cjoa⁴cha³jnqui³

1 Xi³ cjoa⁴qui²xi⁴ no²⁷ya²-le⁴ nca³ tjin¹ cjoa⁴cha³jnqui³ jin³-no³ nca³ jon², to⁴nca³ cjoa⁴cha³jnqui³ xi³ c⁷oa⁴tjin¹ xi³ ni⁴ya⁴-jin² tjin¹ jin³-le⁴ cho⁴ta⁴ xi³ li² judío-jin². C⁷oa⁴-s⁷in² tjin¹ jnco³ xi³ ti¹jna³cao⁴ je² chjon⁴²-le⁴ n⁷ai³-le⁴.

2 Jon² c⁷oa⁴-s⁷in² nc⁷a³con³ ti³mao³, ni⁴⁷aon³-jin² coan³-no³, jme¹-ni³ nca³ tjo¹xin²-si¹ni³no³ je² xi³ c⁷oa⁴qui³s⁷in³ coi³ cjoa⁴-vi⁴.

3 Xi³ cjoa⁴qui²xi⁴, cjin³ ti²jna⁴-no³, to⁴nca³ ya⁴-cjoan² ti¹jna³-ni³ ni⁴ma⁴-na⁴. Jo³-ni³ tsa² jnco³ xi³ ya⁴ ti¹jna³, je³tsa³c⁷e³nta³jjin³-le⁴ je² xi³ c⁷oa⁴qui³s⁷in³ cjoa⁴-vi⁴.

4 Cao⁴ jan³⁷ain¹-le⁴ Nai³-na¹ Jesucristo je³tsa³c⁷e³nta³jjin³-le⁴. C⁷ia⁴ nca³ coan⁴ñao³ nca³ jon², c⁷oa⁴ nca³ je² ni⁴ma⁴-na⁴ ya⁴ ti¹jna³, cao⁴ je² nca³n⁷ion¹-le⁴ xi³ ts⁷e⁴ Nai³-na¹ Jesucristo

5 ca²t⁷ai²t⁷ain³-le⁴ je² Satanás cho⁴ta⁴-ve⁴ nca³ coi⁴ya² yao³jchi¹nca³-le⁴, jme¹-ni³ nca³ je² espíritu-le⁴ coi⁴tjo³ntjai²-si¹ni³ c⁷ia⁴ ni⁴čhjin³-le⁴ Nai³-na¹ Jesús.

6 Li²coi³ nta³-ni³ nca³ yao³-no³ n⁷o²sje³nc⁷ao³. A³ tsi² tsa² ⁷yao³, nta³ tsa² to⁴choa³ na⁴⁷yo⁴san³, si¹san³ nca³yi³je³ na⁴⁷yo⁴.

7 Ti⁴tsje³yao³ tso²c⁷oa⁴ je² na⁴⁷yo⁴san³ xi³ jchi¹nca³, jme¹-ni³ nca³ na⁴⁷yo⁴cho⁴tse⁴ coan⁴-si¹nio³, nca³ jon² li²coi³ na⁴⁷yo⁴san³ coaon³. Je² pa²xco⁴-na¹, xi³ je² Cristo, c⁷oa⁴-s⁷in² qui³ts⁷ai²t⁷a³-le⁴ cro² xi³ t⁷a³tsan⁴².

8 C⁷oa⁴-s⁷in² ch⁷a⁴sje³² s⁷oi¹, li²coi³ cao⁴ je² na⁴⁷yo⁴san³ xi³ jchi¹nca³, ni⁴je²-jin² na⁴⁷yo⁴san³ xi³ cjoa⁴fa³⁷ai³tsjen³ ts⁷en⁴ xi³ s⁷in¹ cjoa⁴ts⁷en⁴, to⁴nca³ cao⁴ nio⁴x⁴tl²la⁴ xi³ tsin²-le⁴ na⁴⁷yo⁴san³-jin², xi³ ña³qui³ c⁷oa⁴tjin¹, c⁷oa⁴ xi³ cjoa⁴qui²xi⁴.

9 C⁷oa⁴-s⁷in² qui³squi³-no³ cao⁴ xon⁴-na⁴, nca³ tsi² tsa² ma³nquin¹t⁷a³-lao⁴³ xi³ si¹cha³jnqui³.

10 Nta³ tsa² sa³c⁷oa⁴ ma³chjen¹ nca³ cha²cao⁴³, ni⁴⁷i⁴tse¹-jin² ma³nquin¹t⁷a³-lao⁴³ je² xi³ si¹cha³jnqui³ xi³ i⁴ ts⁷e⁴ son³⁷nte³, a³xo⁴ cao⁴ xi³ xin²con³, a³xo⁴ cao⁴ xi³ che¹, a³xo⁴ cao⁴ xi³ xco¹son² ve³xcon¹. Coan⁴chjen¹-no³ nca³ coi²tjo⁴³ son³⁷nte³-vi⁴, tsa² t⁷a³xin² coi⁴yo³-lao⁴³.

11 To⁴nca³ coi³-vi⁴ c⁷oa⁴-s⁷in² qui³squi³-no³, nca³ tsi² tsa² ma³nquin¹t⁷a³-lao⁴³ tsa² jnco³ xi³ nts⁷e³² cho³vao²³, xi³ c⁷oa⁴-s⁷in² cha³jnqui³, a³xo⁴ xi³ xin²con³, a³xo⁴ xi³ xco¹son² ve³xcon¹, a³xo⁴ xi³ nchja⁴⁷aon³, a³xo⁴ xi³ cho⁴ta⁴ch⁷i⁴, a³xo⁴ xi³ che¹, cao⁴ je² xi³ c⁷oa⁴cjoan³ ni⁴vi³chi³cao⁴-jion²³.

12 Jme¹ xi³ v⁷a³cao⁴-na³ nca³ an³ nca³ v⁷e³nta³j³in³-le⁴ je² xi³ t⁷a³xin² tjio¹. A³ tsi² tsa² je² xi³ to⁴j³nco³ tjio¹cao⁴-no³ xi³ tjin¹-ni³ nca³ v⁷e²nta³j³in³-lao⁴³.

13 Je² xi³ t⁷a³xin² tjio¹, Ni³na¹ v⁷e¹nta³j³in³-le⁴. Chja⁴⁷a²xion²³ tso²c⁷oa⁴ je² cho⁴ta⁴ts⁷en⁴ xi³ ti¹j³na³j³in³-no³ nca³ jon².

6

Ca²ta³v⁷e¹nta³j³in³-le⁴ xi¹ncjin¹ cho⁴ta⁴-le⁴ Cristo

1 Tsa² j³nco³ xi³ j³in³-no³ nca³ jon² xi³ tjin¹ i⁴tse¹-le⁴ cjoa⁴ cao⁴ xi³j³nco³, a³ coan⁴n⁷ion¹con³ nca³ coai⁴con³-le⁴ cjoa⁴-te¹xo³ma³ xi³ ts⁷e⁴ je² xi³ tsi² qui²xi⁴ tjio¹ma³, c⁷oa⁴ nca³ tsi² nqui³xcon⁴ cho⁴ta⁴-le⁴ Cristo.

2 A³ tsi² tsa² ⁷yao³ nca³ je² cho⁴ta⁴-le⁴ Cristo tjin¹-ni³le⁴ nca³ c⁷oe⁴²nta³j³in³-le⁴ son³⁷nte³. C⁷oa⁴ tsa² je² son³⁷nte³-vi⁴ s⁷e⁴nta³j³in³-le⁴ xi³ to⁴t⁷a³tsaon⁴³, a³ tsi² va³quin²-no³ nca³ c⁷oe¹nta³j³in³-lao⁴³ cjoa⁴ xi³ choa³ tjin¹.

3 A³ tsi² ⁷yao³ nca³ ña¹ c⁷oa⁴-s⁷in² c⁷oe¹nta³j³in³-le⁴² je² a²ncje⁴. Jo¹ to⁴nqui²sa⁴-sa³ c⁷oa⁴s⁷ian⁴² cao⁴ je² cjoa⁴ xi³ ts⁷e⁴ son³⁷nte³-vi⁴ nt⁷ai⁴-vi⁴.

4 Coi³, tsa² tjin¹-no³ cjoa⁴ xi³ ts⁷e⁴ son³⁷nte³-vi⁴ nt⁷ai⁴-vi⁴, je² xi³ nqui²sa⁴ na³nqui³ tjio¹ ya⁴j³in³-le⁴ cho⁴ta⁴-le⁴ Cristo, a³ je² xi³ ni²qui³nchao¹³ nca³ c⁷oe⁴²nta³j³in³ cjoa⁴ je²-vi⁴.

5 Coi³ c⁷oa⁴xin³-nia³ nca³ si³soa³-no³. A³ tsi² tsa² tjin¹j³nco³-no³ xi³ chji⁴ne⁴, a³ ni⁴to⁴j³nco³-j³in² xi³ coan⁴-le⁴ nca³ c⁷oe⁴²nta³j³in³-le⁴ nts⁷e³².

6 To⁴nca³ ti⁴nts⁷e⁴ ti⁴nts⁷e⁴-ni³ fi²co²ntran⁴-le⁴ xi¹ncjin¹ nqui³xcon⁴ cjoa⁴te¹xo³ma³, nta³ tsa² nqui³xcon⁴ xi³ tsi² ma³cjain¹-le⁴.

7 Xi³ cjoa⁴qui²xi⁴ ña³qui³ ch⁷ao³ n⁷iaon²³ nca³ c⁷oa⁴-s⁷in² tj¹in¹-no³ cjoa⁴cha³jnqui³ya³ jin³-le⁴ xi²nquo⁴³. A¹-ni³ nca³ tsi² to⁴sa³ si⁴cjain¹-si¹ni³lao⁴³ cjoa⁴ts⁷en⁴. A¹-ni³ nca³ tsi² to⁴sa³ si⁴cjain¹-si¹ni³lao⁴³ nca³ ch⁷a²na⁴cha⁴-no³.

8 To⁴nca³ jon² c⁷oa⁴-s⁷in² n⁷iaon²³ cjoa⁴ts⁷en⁴, c⁷oa⁴ ch⁷a²na⁴cha⁴-lao⁴³, nta³ tsa² nts⁷ao³.

9 A³ tsi² tsa² ⁷yao³ nca³ je² xi³ tsin²-le⁴ cjoa⁴qui²xi⁴-jin² li²coi³ s⁷e⁴cjoa⁴tjao²-le⁴ cjoa⁴te¹xo³ma³-le⁴ Ni³na¹. A³li² ch⁷a²na⁴cha⁴-jin²no³. Ni⁴je²-jin² xi³ cha³jnqui³, ni⁴je²-jin² xi³ xco¹son² ve³xcon¹, ni⁴je²-jin² xi³ si¹cha³jnqui³t⁷a³-le⁴ chjon⁴²-le⁴ a³xo⁴ x⁷in⁴-le⁴, ni⁴je²-jin² x⁷in⁴ xi³ ti⁴je² c⁷oa⁴si¹cao⁴-ni³ yao³-le⁴, ni⁴je²-jin² x⁷in⁴ xi³ ti⁴x⁷in⁴ xi¹ncjin¹ fa³yo³cao⁴-ni³,

10 ni⁴je²-jin² xi³ che¹, ni⁴je²-jin² xi³ xin²con³, ni⁴je²-jin² xi³ ch⁷i⁴, ni⁴je²-jin² xi³ nchja⁴⁷aon³, ni⁴je²-jin² xi³ si¹che¹son², s⁷e⁴cjoa⁴tjao²-le⁴ cjoa⁴te¹xo³ma³-le⁴ Ni³na¹.

11 C⁷oa⁴coan³ cjoaon³ c⁷ao³. To⁴nca³ je³tsa³ca³ne²yao³ yao³-no³, je³coan³tsje³yao³, je³je³t⁷a³ je¹-no³, cao⁴ je² jan³⁷ain¹-le⁴ je² Nai³-na¹ Jesucristo, c⁷oa⁴ xi³ to⁴t⁷a³ts⁷e⁴ je² Espíritu Santo xi³ ts⁷e⁴ Ni³na¹-na¹.

Cao⁴yao³-no³ ch⁷a⁴sje³je³yao³ Ni³na¹

12 Nca³yi³je³ tjo³⁷nte³-na³, to⁴nca³ li²coi³ nca³yi³je³ nta³ ma³chjen¹-na³. Nca³yi³je³ tjo³⁷nte³-na³, to⁴nca³ an³ li²coi³ na³nqui³ coa²te⁴jna³-le⁴ nca³n⁷ion¹-le⁴.

13 Je² tso³jmi² xi³ chi³ne³, coi³ xi³ t⁷a³ts⁷e⁴ nts⁷oa³², c⁷oa⁴ je² nts⁷oa³² xi³ t⁷a³ts⁷e⁴ je² tso³jmi² xi³ chi³ne³.

To⁴nca³ Ni³na¹ si⁴²xo²ya³ nca³ jao². Je² yao³-na¹ li²coi³ xi³ t⁷a³ts⁷e⁴ je² cjoa⁴cha³jnqui³, to⁴nca³ xi³ t⁷a³ts⁷e⁴ je² Nai³-na¹, c⁷oa⁴ je² Nai³-na¹ xi³ t⁷a³ts⁷e⁴ je² yao³-na¹.

14 Ni³na¹ xi³ qui³sco²mi³tjen⁴ je² Nai³-na¹, c⁷oa⁴-ti⁴ ña¹-je⁴ sco¹mi³tjen⁴-ni³na¹ cao⁴ nca³n⁷ion¹-le⁴.

15 A³ tsi² tsa² ʔyao³ nca³ je² yao³-no³ ts⁷e⁴ Cristo. A³ cjoa³a²xin²-nia¹³ tso²c⁷oa⁴ je² xi³ ts⁷e⁴ Cristo, nca³ ts⁷e⁴ chjon⁴²cha³jnqui³ s⁷ian³. Ni⁴c⁷ia³-jin².

16 A³xo⁴ tsi² tsa² ʔyao³ nca³ je² xi³ chjon⁴²cha³jnqui³ v⁷e²jna³cao⁴, c⁷oa⁴-s⁷in² to⁴jnc³ yao³ ma³ cao⁴ je², nca³ c⁷oa⁴ts²: Nca³ jao² c⁷oa⁴-s⁷in² to⁴jnc³ yao³ coan⁴.

17 To⁴nca³ je² xi³ v⁷e²jna³cao⁴ je² Nai³-na¹, to⁴jnc³ espíritu ma³.

18 Ti⁴ncha³xin²-lao⁴³ cjoa⁴cha³jnqui³. To⁴jña³-sa³ni³le⁴ je¹ xi³ va³jnqui³ jnc³ x⁷in⁴, li²coi³ va³jnqui³ je¹ xi³ t⁷a³ts⁷e⁴ yao³-le⁴, to⁴nca³ je² xi³ si¹cha³jnqui³, va³jnqui³ je¹ xi³ ti⁴t⁷a³ts⁷e⁴-ni³ yao³-le⁴.

19 A³xo⁴ tsi² tsa² ʔyao³ nca³ je² yao³-no³ nt⁷ia³-le⁴ Espíritu Santo ni¹, je² xi³ ti¹jna³jin³-no³ nca³ jon², jña³-le⁴ xi³ ts⁷e⁴ Ni³na¹ tjin¹-ni³no³, c⁷oa⁴ nca³ tsi² ti⁴tsaon⁴³-nio³ nca³ jon².

20 Chji¹ tsa³qui³nta³-ni³no³. Ch⁷a⁴sje³je³yao³ Ni³na¹ tso²c⁷oa⁴. Ch⁷a⁴sje³je³yao³ cao⁴ yao³-no³ c⁷oa⁴ cao⁴ espíritu-no³, jña³-le⁴ xi³ coi³ ts⁷e⁴ Ni³na¹.

7

Xi³ t⁷a³ts⁷e⁴ cjoa⁴vi³xan³

1 Xi³ t⁷a³ts⁷e⁴ cjoa⁴ xi³ qui³chji³-ni³nao¹³, nta³ tjin¹-ni³le⁴ je² x⁷in⁴ nca³ tsi² tsa² chjon⁴² si⁴²cao⁴.

2 To⁴nca³ coi³ nca³ tse³ tjin¹ cjoa⁴cha³jnqui³, nca³ jnco¹jnco¹ ca²ta³s⁷e³-le⁴ chjon⁴²-le⁴, c⁷oa⁴ nca³ jnco¹jnco¹ ca²ta³s⁷e³-le⁴ x⁷in⁴-le⁴.

3 Je² x⁷in⁴ jo³-s⁷in² tjin¹ne²-le⁴ cjoa⁴vi³xan³, c⁷oa⁴-s⁷in² nta³ ca²ta³si¹cao⁴ chjon⁴²-le⁴, c⁷oa⁴-ti⁴s⁷in²ni³ je² chjon⁴² cao⁴ x⁷in⁴-le⁴.

4 Je² chjon⁴² li²coi³ va³te¹xo³ma³-le⁴ xi³ ti⁴ts⁷e⁴-ni³ yao³, to⁴je² x⁷in⁴-le⁴ xi³ va³te¹xo³ma³-le⁴. Ti⁴c⁷oa⁴-s⁷in²ni³ je² x⁷in⁴ li²coi³ va³te¹xo³ma³-le⁴ xi³ ti⁴ts⁷e⁴-ni³ yao³, to⁴je² chjon⁴²-le⁴ xi³ va³te¹xo³ma³-le⁴.

5 A³li² mai³-jin² vi³xon¹-lao⁴³ xi²nquio⁴³, tsa² tsi² to⁴c⁷ia³-ni³ ni⁴chjin³ nca³ tjio¹cjao²jco³, jme¹-ni³ nca³ to⁴sa³ c⁷oe¹ts⁷oa³-si¹nio³. C⁷ia⁴ nqui²jnco³c⁷a² ña³qui³ coi⁴yo³cao⁴³ xi²nquio⁴³ nca³ to⁴jnco³ coaon⁴³, jme¹-ni³ nca³ tsi² tsa² Satanás si⁴²cao⁴-si¹ni³no³ xi³ t⁷a³ts⁷e⁴ nca³ li²coi³ chjoe¹xco¹ yao³-no³.

6 To⁴nca³ je²-vi⁴ c⁷oa⁴xian³ nca³ tsjoe³nte³, li²coi³ nca³ c⁷oa⁴-s⁷in² va³te³xo³ma²³.

7 Me³-na³ nca³ nca³ts⁷i³ xi³ x⁷in⁴, c⁷oa⁴coan⁴ cjoan³jo³-ni³ tsa² an³, to⁴nca³ jnco¹jnco¹ tjin¹-le⁴ xi³ ts⁷e⁴ cjoa⁴tjao²-le⁴ Ni³na¹, jnco³ xi³ c⁷oa⁴s⁷in¹, jnco³ xi³ cja⁴⁷ai¹ s⁷in¹.

8 C⁷oa⁴xin³-le⁴ tso²c⁷oa⁴ je² xi³ tjio¹ to⁴je², c⁷oa⁴ xi³ je³c⁷en³ x⁷in⁴-le⁴, nca³ nta³ tjin¹-le⁴ tsa² c⁷oi⁴-s⁷in² coa⁴tio⁴ jo³-s⁷in² nca³ an³.

9 Tsa² tsi² coan⁴-le⁴ cjoe¹xco¹ yao³-le⁴, to⁴sa³ ca²ta³vi³xan³. Nqui²sa⁴ nta³ nca³ coi⁴xan³ cao⁴-ni³ tsa² yao³-le⁴ si⁴²sjoe²ya³-le⁴.

10 To⁴nca³ an³ v⁷e³ne²³-le⁴ je² xi³ to⁴jnco³ tjio¹ nca³ je³chi³xan³, a³li² an³-jian²³ to⁴nca³ je² Nai³-na¹:

Je² chjon⁴² a³li² va³sen^{2t}a³xin²-jin²le⁴ x⁷in⁴-le⁴.

11 Tsa² coa⁴sen^{4t}a³xin², c⁷oa⁴-s⁷in² ca^{2t}e²jna³ nca³ tsi² tsa² coi⁴xan³, a³xo⁴ ca²ta³fao¹nta³-ni³ nqui²jnc³c⁷a² cao⁴ x⁷in⁴-le⁴. C⁷oa⁴ je² xi³ x⁷in⁴ a³li² tsjion¹-jin² je² chjon⁴²-le⁴.

12 Je² xi³c⁷a³ an³ c⁷oa⁴xin³-le⁴, li²coi³ je² Nai³-na¹. Tsa² jnc³ nts^{7e}³² xi³ tjin¹-le⁴ chjon⁴² xi³ tsi² ma³cjain¹-le⁴, c⁷oa⁴ tsa² je² chjon⁴² ma³me³con³ nca³ v^{7e}²jna³cao⁴, a³li² tsjion¹-jin².

13 C⁷oa⁴ je² chjon⁴² xi³ tjin¹-le⁴ x⁷in⁴ xi³ tsi² tsa² ma³cjain¹-le⁴, c⁷oa⁴ tsa² je² x⁷in⁴ ma³me³con³ nca³ v^{7e}²jna³cao⁴, c⁷oa⁴-ti⁴ li² tsjion¹-jin².

14 Je² x⁷in⁴ xi³ tsi² tsa² ma³cjain¹-le⁴, c⁷oa⁴-s⁷in² cho⁴ta⁴-le⁴ Cristo ma³ xi³ to^{4t}a³ts^{7e}⁴ chjon⁴²-le⁴, c⁷oa⁴ je² chjon⁴² xi³ tsi² tsa² ma³cjain¹-le⁴ c⁷oa⁴-s⁷in² cho⁴ta⁴-le⁴ Cristo ma³ xi³ to^{4t}a³ts^{7e}⁴ x⁷in⁴-le⁴. Tsa² tsin²-la²ni³ c⁷oa⁴-s⁷in², je² xti³-no³ to⁴jnti¹ coan⁴ cjoan³, to⁴nca³ nt⁷ai⁴ cho⁴ta⁴-le⁴ Cristo ma³.

15 Tsa² je² xi³ tsi² ma³cjain¹-le⁴ coa⁴sen^{4t}a³xin², ca²ta³va³sen^{2t}a³xin². Tsa² c⁷oa⁴-s⁷in² tjin¹ cjoa⁴, je² nts^{7e}³² a³xo⁴ ti³chja³² li²coi³ tjin¹ne²-le⁴ nca³ coa⁴tio⁴cao⁴ xi³ tsi² ma³cjain¹-le⁴. To⁴sa³ Ni³na¹ qui³nchja⁴-na¹ nca³ nch⁷an¹ coi⁴yoa³².

16 Jo¹-s⁷in² ya³-ni³ ji³ chjon⁴² tsa² tsi² c⁷oa⁴-s⁷in² ch⁷a⁴sje³ntjai² x⁷in⁴-li⁴, a³xo⁴ jo¹-s⁷in² ya³-ni³ ji³ x⁷in⁴ tsa² tsi² c⁷oa⁴-s⁷in² ch⁷a⁴sje³ntjai² chjon⁴²-li⁴.

17 Jo³-s⁷in² nca³ je² Nai³-na¹ qui³si³c⁷a³vi¹-le⁴ nca³ jnc¹jnc¹, c⁷oa⁴ jo³-s⁷in² nca³ Ni³na¹ qui³nchja⁴-le⁴ nca³ jnc¹jnc¹, c⁷oa⁴-s⁷in² ca^{2t}e¹ma³. C⁷oa⁴-s⁷in² v^{7e}³ne²³-le⁴ nca³ts⁷i³ cho⁴ta⁴-le⁴ Cristo.

18 A³ tjin¹ c⁷a³ xi³ je³coan³-le⁴ cjoa⁴circuncisión

nca³ qui³no²cjoa⁴-le⁴. C⁷oa⁴-s⁷in² ca²ta³v⁷e²jna³. A³ tj¹in¹ c⁷a³ xi³ cje³ ma³-jin²le⁴ cjoa⁴circuncisión nca³ qui³no²cjoa⁴-le⁴. A³li² cjoa⁴circuncisión-jin² va¹sjai³.

19 Je² cjoa⁴circuncisión li²jme³-jin². Je² xi³ tsi² cjoa⁴circuncisión, c⁷oa⁴-ti⁴ li²jme³-jin². To⁴je² xi³ chji¹-le⁴ nca³ ni²tjo³son²-le⁴² cjoa⁴te¹xo³ma³-le⁴ Ni³na¹.

20 Jnco¹jnco¹ jo³-s⁷in² tjio¹ c⁷ia⁴ nca³ qui³no²cjoa⁴-le⁴, c⁷oa⁴-s⁷in² ca²t⁷e²yo³.

21 A³ ji³ qui³no²cjoa⁴-li² nca³ cho⁴nta³ mai³. A³li² c⁷oa⁴-jin² ma³-li². To⁴nca³ tsa² c⁷oa⁴-ti⁴ coan⁴-li² nca³ coi⁴jna³ntai¹, to⁴sa³ nta³ nca³ coi³ ti⁴chjain¹³.

22 Je² xi³ qui³no²cjoa⁴-le⁴ nca³ ti¹jna³cao⁴ Nai³-na¹ nca³ cho⁴nta³ ma³, ti¹jna³ntai¹ nca⁴ ts⁷e⁴ Nai³-na¹. C⁷oa⁴-ti⁴s⁷in²ni³ je² xi³ c⁷oa⁴-s⁷in² qui³no²cjoa⁴-le⁴ nca³ ti¹jna³ntai¹ cho⁴nta³-le⁴ Cristo ni¹.

23 Chji¹ tsa³qui³nta³-ni³no³, a³li² cho⁴nta³-le⁴ cho⁴ta⁴-jin² mao³.

24 Nca³ jnco¹jnco¹, nts⁷e³², jo³-s⁷in² qui³no²cjoa⁴-le⁴, c⁷oa⁴-s⁷in² ca²t⁷e²yo³cao⁴ Ni³na¹.

25 To⁴nca³ xi³ t⁷a³ts⁷e⁴ ya¹nchjin¹xo³nco¹, tsin²-na³ cjoa⁴te¹xo³ma³ xi³ ts⁷e⁴ Nai³-na¹. To⁴nca³ c⁷oa⁴-s⁷in² co³son²-le⁴ an³, jo³-ni³ tsa² jnco³ xi³ qui³cho²tjen⁴nqui³ cjoa⁴ma⁴ta³con²-le⁴ Nai³-na¹ nca³ n⁷ion¹t⁷a³con³ ma³.

26 To⁴t⁷a³ts⁷e⁴ je² cjoa⁴ñ⁷ain³ xi³ tj¹in¹ nt⁷ai⁴-vi⁴, si³cja³⁷ai³tsjen³-nia¹³ nca³ nta³-ni³ tsa² cho⁴ta⁴ c⁷oa⁴-s⁷in² ca²ta³tio² jo³-s⁷in² tjio¹.

27 A³ je³chi³xan³coai⁴ chjon⁴². A³li² ma³sjai³-jin²li² nca³ coi⁴njioin¹³. A³ cje³ vi³xan³cao⁴-jin² chjon⁴². A³li² chjon⁴²-jin² vi³jnchi³-lai⁴ yao³-li⁴.

28 To⁴nca³ tsa² coi⁴xan³coai⁴ chjon⁴², a³li² je¹-jin² xi³ vi³jnchi³. C⁷oa⁴ tsa² je² chjon⁴²xo³nco¹ coi⁴xan³, a³li² je¹-jin² xi³ va³jnqui³. To⁴nca³ je² xi³ c⁷oa⁴s⁷in¹, s⁷e⁴-le⁴ cjoa⁴ñ⁷ain³ yao³-le⁴, to⁴nca³ an³ cjoa³⁷a³xin²-no³ je² cjoa⁴ñ⁷ain³-vi⁴.

29 Je²-vi⁴ xi³ c⁷oa⁴xian³ nts⁷e³², nca³ je² ni⁴čjin³ choa³ ni¹. Je² ni⁴čjin³ xi³ cha³-sa³, je² xi³ tjin¹-le⁴ ya¹nchjin¹, c⁷oa⁴-s⁷in² ca²ta³tio¹ jo³-ni³ je² xi³ tsin²-le⁴.

30 C⁷oa⁴ je² xi³ cji³⁷ntia¹va³ jo³-ni³ je² xi³ tsi²cji³⁷ntia¹va³. C⁷oa⁴ je² xi³ tjin¹-le⁴ cjoa⁴tsjoa³ jo³-ni³ je² xi³ tsin²-le⁴ cjoa⁴tsjoa³. C⁷oa⁴ je² xi³ va³tse³ jo³-ni³ je² xi³ tsi²jme³ tjin¹-le⁴.

31 C⁷oa⁴ je² xi³ si¹chjen¹ xi³ ts⁷e⁴ son³⁷nte³ jo³-ni³ je² xi³ tsi² tsa² n⁷ion¹ si¹chjen¹, nca⁴ je² xi³ ma³tsen³ son³⁷nte³-vi⁴ to⁴fa³⁷a³to³ ni¹.

32 Me³-na³ nca³ c⁷oa⁴-s⁷in² coi⁴yo³ nca³ tsi²jme³ xi³ jo³ ma³-no³. Je² x⁷in⁴ xi³ ti¹jna³c⁷an², to⁴coi³ xi³ c⁷oa⁴ma³-le⁴ je² cjoa⁴ xi³ ts⁷e⁴ Nai³-na¹, jo³-s⁷in² nca³ nta³ si¹tsjoa³-le⁴ Nai³-na¹.

33 To⁴nca³ je² xi³ je³chi³xan³, to⁴coi³ xi³ c⁷oa⁴ma³-le⁴ cjoa⁴-le⁴ son³⁷nte³, jo³-s⁷in² nca³ nta³ si¹tsjoa³ya³-le⁴ chjon⁴²-le⁴.

34 C⁷oa⁴-ti⁴s⁷in²ni³ nca³ cja⁴⁷ai¹-s⁷in² tjio¹ cao⁴ je² chjon⁴² xi³ je³chi³xan³ cao⁴ je² chjon⁴²xo³nco¹. Je² chjon⁴²xo³nco¹ nqui²sa⁴ c⁷oa⁴ma³-le⁴ je² cjoa⁴ xi³ ts⁷e⁴ Nai³-na¹, jme¹-ni³ nca³ tsje³ coan⁴-si¹ni³ cao⁴ yao³-le⁴, jo³-ni³ cao⁴ espíritu-le⁴. To⁴nca³ je² chjon⁴² xi³ je³chi³xan³, to⁴coi³ xi³ c⁷oa⁴ma³-le⁴ cjoa⁴-le⁴ son³⁷nte³, jo³-s⁷in² nca³ nta³ si¹tsjoa³ya³-le⁴ x⁷in⁴-le⁴.

35 Je²-vi⁴ c⁷oa⁴xin³-no³, jme¹-ni³ nca³ nta³ coi⁴yo³-

si¹nio³, li²coi³ nca³ si³qui³ncha¹t⁷a³n⁷ion¹-no³, to⁴nca³ jme¹-ni³ nca³ nta³ coi⁴ma³-si¹nio³, c⁷oa⁴ nca³ nta³ si⁴sin³-si¹ni³lao⁴³ Nai³-na¹, nca³ tsi² tsa² jme³ xi³ coa⁴te²chjoa²-no³.

³⁶ Tsa² jnco³ xi³ ch⁷ao³ tjin¹-ni³le⁴ cjoa⁴ nca³ to⁴jo³ cje³ vi³xan³-jin² tso²ti³-le⁴ nta³ tsa² je³coan³jchi¹nca³, c⁷oa⁴ tsa² nta³ tjin¹-ni³ nca³ c⁷oa⁴coan⁴, c⁷oa⁴ ca²ta³s⁷in¹ jo³-s⁷in² nca³ me³-le⁴. A³li² je¹-jin² va³jnqui³. Ca²ta³vi³xan³.

³⁷ To⁴nca³ je² xi³ n⁷ion¹ qui²xi⁴ tjin¹ ni⁴ma⁴-le⁴, c⁷oa⁴ nca³ tsi²jme³ cjoa⁴n⁷ion¹ tjin¹-le⁴, to⁴nca³ tjin¹-le⁴ n⁷nte³ jo³-s⁷in² me³-le⁴, c⁷oa⁴ nta³ qui³sco³son²-le⁴ ja⁴jin³ ni⁴ma⁴-le⁴ je²-vi⁴, nca³ c⁷oa⁴-s⁷in² nta³ ti¹jna³tjao²-le⁴ je² tso²ti³xo³nco¹-le⁴, nta³ s⁷in¹.

³⁸ C⁷oa⁴-s⁷in² nca³ je² xi³ si¹qui³xan³, nta³ s⁷in¹, c⁷oa⁴ je² xi³ tsi² tsa² tsjoa¹ nca³ vi³xan³, to⁴sa³ nqui²sa⁴ nta³ s⁷in¹.

³⁹ Je² chjon⁴² xi³ je³chi³xan³, c⁷oa⁴-s⁷in² ti¹jna³n⁷ion¹t⁷a³-le⁴ x⁷in⁴-le⁴, c⁷ia⁴ nca³ ti¹jna³con³-sa³ x⁷in⁴-le⁴, to⁴nca³ tsa² je² x⁷in⁴-le⁴ coi⁴ya², ti¹jna³ntai¹. Ca²ta³vi³xan³cao⁴ to⁴ya³-ni³ xi³ me³-le⁴, tsa² nca³ tjio¹cao⁴ Nai³-na¹.

⁴⁰ To⁴nca³ nqui²sa⁴ to⁴nta³-le⁴ tsa² to⁴c⁷oa⁴-s⁷in² c⁷oe¹jna³, jo³-s⁷in² co³son²-le⁴ an³. C⁷oa⁴ si³cja³⁷ai³tsjen³-nia¹³ nca³ c⁷oa⁴-ti⁴ tjin¹-na³ je² Espíritu Santo xi³ ts⁷e⁴ Ni³na¹.

8

Tso³jmi² xi³ v⁷ai²t⁷a³-le⁴ xco¹son²

¹ Xi³ t⁷a³ts⁷e⁴ je² tso³jmi² xi³ v⁷ai²t⁷a³-le⁴ xco¹son², n⁷ya³-nia¹ nca³ nca³ts⁷ia³² tjin¹-na¹ cjoa⁴chji⁴ne⁴. Je²

cjoa⁴chji⁴ne⁴ si¹nc⁷a³con³, to⁴nca³ je² cjoa⁴tjao²cha³ si¹quin³nc⁷a³.

² Tsa² jnco³ xi³ ma³j³in³con³ nca³ ma³cho⁴ya³-le⁴, cje³ jme³-j³in² xi³ ve³, jo³-s⁷in² tj³in¹-ni³ nca³ scoe⁴.

³ To⁴nca³ tsa² jnco³ xi³ tsjoa³que³ Ni³na¹, Ni³na¹ xi³ nta³ ve³ nca³ je².

⁴ Xi³ t⁷a³ts⁷e⁴ je² tso³jmi² xi³ ma³chi³ne³ xi³ v⁷ai²t⁷a³-le⁴ xco¹son², ⁷ya³-nia¹ nca³ je² xco¹son² ni⁴jme³-j³in² i⁴ son³⁷nte³-vi⁴, nca³ tsi² tsa² tj³in¹-sa³ xi³ cja⁴ai¹, to⁴jnco³ Ni³na¹.

⁵ Nta³ tsa² c⁷oa⁴-s⁷in² tj³in¹ xi³ Ni³na¹ ⁷mi²-le⁴, a³xo⁴ ya⁴ nc⁷a³jmi³, a³xo⁴ i⁴ son³⁷nte³ (nca³ c⁷oa⁴-s⁷in² ncjin² ni³na¹ tj³in¹, c⁷oa⁴ ncjin² xi³ nai³ ma³),

⁶ to⁴nca³ ña¹ to⁴jnco³ Ni³na¹ xi³ tj³in¹-na¹, je² N⁷ai³-na¹, jña³-le⁴ xi³ je² ji³n³choa³-ni³ nca³yi³je³ cjoa⁴. C⁷oa⁴ ña¹ tj³in¹ xi³ t⁷a³ts⁷e⁴. C⁷oa⁴ jnco³ Nai³-na¹ Jesucristo xi³ tj³in¹-na¹, xi³ to⁴t⁷a³ts⁷e⁴ coan³nta³-ni³ nca³yi³je³, c⁷oa⁴ xi³ to⁴t⁷a³ts⁷e⁴ tj³in¹.

⁷ To⁴nca³ li²coi³ nca³ts⁷i³ xi³ tj³in¹-le⁴ je² cjoa⁴chji⁴ne⁴. Tj³in¹ c⁷a³ xi³ c⁷oa⁴-s⁷in² coan³nca³cao⁴-le⁴ xco¹son² sa³⁷nta³ nt⁷ai⁴-vi⁴. C⁷oa⁴-s⁷in² cji³ne³ je² cjoa⁴tjao²-ve⁴ jo³-ni³ tsa² xi³ cjoa⁴qui²xi⁴ v⁷ai²t⁷a³-le⁴ xco¹son². Je² cjoa⁴fa³⁷ai³tsjen³-le⁴ nca³ choa³con³ c⁷oa⁴ma³-le⁴ xi³ je¹ tj³in¹-le⁴ ma³-le⁴.

⁸ Je² tso³jmi² xi³ chi³ne³² li²coi³ je² xi³ nqui²sa⁴ nta³ sa³sen¹con³-le⁴² Ni³na¹. Nta³ tsa² coi⁴cha², li²coi³ nqui²sa⁴ nc⁷a³ coan⁴². Nta³ tsa² tsi² coi⁴cha², li²coi³ nqui²sa⁴ na³nqui³ coan⁴².

⁹ To⁴nca³ cho¹tsaon³ jo³-s⁷in² si⁴chjaon¹³ cjoa⁴ntai¹-no³, nca³ tsi² ya⁴ sa⁴te¹nqui³ je² xi³

choa³con³.

10 Tsa² jnco³ xi³ scoe⁴-li² nca³ ji³ xi³ tj¹in¹-li² cjoa⁴chji⁴ne⁴, nca³ ya⁴ ti³jna³t⁷ai³ ya¹mi²xa⁴ ya⁴ ⁷nte³-le⁴ xco¹son², c⁷oa⁴ je² cjoa⁴fa³ai³tsjen³-le⁴ je² xi³ choa³con³ a³ tsi² ti⁴c⁷oa⁴-s⁷in²ni³ coan⁴n⁷ion¹-ni³con³ nca³ squi⁴ne⁴ je² cjoa⁴tjao² xi³ c⁷oa⁴-s⁷in² v⁷ai²t⁷a³-le⁴ xco¹son².

11 C⁷oa⁴ xi³ to⁴t⁷a³ts⁷e⁴ je² cjoa⁴chji⁴ne⁴-li⁴ cha⁴jin³ je² xi³ choa³con³, je² nts⁷e³² xi³ Cristo c⁷en³ t⁷a³ts⁷e⁴.

12 C⁷oa⁴ nca³ c⁷oa⁴-s⁷in² vi³jnchi³t⁷a³-lao⁴³ je¹ nts⁷e³², nca³ ni²qui²⁷aon³ je² cjoa⁴fa³ai³tsjen³-le⁴ je² xi³ choa³con³, c⁷oa⁴-ti⁴s⁷in² vi³jnchi³t⁷a³-lao⁴³ je¹ Cristo.

13 To⁴coi³ je²-vi⁴ tsa² je² tso³jmi² xi³ chi³ne³ si⁴²ca³jin³-ni³ je¹ nts⁷e³, ni⁴c⁷ia³-jin² ti⁴squi²ne⁴-nia³ yao³, jme¹-ni³ nca³ tsi² tsa² an³ si³ca³jin³-si¹nia³ je¹ nts⁷e³.

9

Je² cjoa⁴ xi³ tjo³⁷nte³-le⁴ pa²stro⁴

1 A³ tsi² tsa² an³ pa²stro⁴. A³ tsi² ti²jna⁴nte¹³ nca³ an³. A³ tsi² tsa² tsa³⁷ve³ je² Jesús Nai³-na¹. A³ tsi² tsa² jon² xi³ xa¹-na⁴ xi³ t⁷a³ts⁷e⁴ je² Nai³-na¹.

2 Tsa² je² xi³c⁷a³ tso² nca³ tsi² an³ pa²stro⁴, to⁴nca³ jon² nio¹³ xi³ cjoa⁴qui²xi⁴ ⁷yao³ nca³ an³ pa²stro⁴ nia¹³, nca⁴ jon² nio¹³ jo³-ni³ sello xi³ ts⁷e⁴ cjoa⁴pa²stro⁴-na⁴ nca³ ti³yo³coa⁴² Nai³-na¹.

3 C⁷oa⁴-s⁷in² si³c⁷o¹fa³-le⁴ en¹ je² xi³ vi²na³nqui³-na³.

4 A³ tsi² tsa² tj¹in¹-na³jin⁴ ⁷nte³ nca³ s⁷oi⁴-jin⁴ nca³ coi⁴chi³-jin⁴.

5 A³ tsi² tsa² tjin¹-na³jⁱⁿ⁴ ʔnte³ nca³ coan³nquin¹coai⁴-jⁱⁿ⁴ jnco³ chjon⁴² xi³ ti³chja² mai³-jⁱⁿ⁴, c⁷oa⁴-ti⁴s⁷in² jo³-s⁷in² xi³c⁷a³ pa²stro⁴, c⁷oa⁴ je²nts⁷e⁴ xi³ ts⁷e⁴ Nai³-na¹, c⁷oa⁴ Cefas.

6 A³xo⁴ to⁴an³ nia¹³ cao⁴ Bernabé xi³ tsi² tjin¹-na³jⁱⁿ⁴ ʔnte³ nca³ tsi² si⁴xa¹-ni³jⁱⁿ⁴ ntsai⁴-jⁱⁿ⁴.

7 ʔya¹ so³nta²do⁴ xi³ ti⁴je² v⁷e¹chji¹-ni³le⁴ yao³-le⁴. ʔya¹ xi³ v⁷e¹ntje² tso³jmi²ntje², c⁷oa⁴ nca³ tsi² cji³ne³-ni³ to³-le⁴. C⁷oa⁴ ʔya¹ xi³ co³nta³ cho⁴, c⁷oa⁴ nca³ tsi² squi⁴ne⁴ xi³ ma³ nta¹chi³qui³-le⁴ cho⁴-ve⁴.

8 A³ c⁷oa⁴²xian³ je²-vi⁴ jo³ tso² cho⁴ta⁴. A³ tsi² c⁷oa⁴-ti⁴ tso² cjoa⁴te¹xo³ma³.

9 Je² cjoa⁴te¹xo³ma³ xi³ ts⁷e⁴ Moisés c⁷oa⁴-s⁷in² tji¹t⁷a³: A³li² na⁴ʔya³-jⁱⁿ² v⁷e²⁷ai³ ncha⁴ja⁴ c⁷ia⁴ nca³ v⁷e¹ne² tso³-jmi². A³ tjin¹-le⁴ coi²nta⁴ Ni³na¹ xi³ ts⁷e⁴ ncha⁴ja⁴.

10 A³xo⁴ tsi² tsa² nchja⁴ Ni³na¹ xi³ to⁴t⁷a³tsan⁴². Xi³ t⁷a³tsan⁴² c⁷oa⁴-s⁷in² qui³s⁷e³t⁷a³ nca³ je² xi³ ncha⁴ja⁴ si¹c⁷e¹nchi³, c⁷oa⁴-s⁷in² si¹c⁷e¹nchi³ nca³ tjin¹ xi³ co³ya³-le⁴, c⁷oa⁴ je² xi³ v⁷e¹ne² tso³jmi², ti¹co³ya³-le⁴ nca³ scoe¹ xi³ ti¹v⁷e¹ne².

11 Tsa² jⁱⁿ⁴-jⁱⁿ⁴ tsa³c⁷e²ntje²-lai²⁴jⁱⁿ⁴ je² xi³ ts⁷e⁴ espíritu, a³ tsi² nta³ tjin¹ tsa² c⁷oa⁴-ti⁴ c⁷oe¹xcoi¹⁴-jⁱⁿ⁴ je² xi³ coi³ tso³jmi²-no³.

12 Tsa² je² xi³c⁷a³ tjin¹-le⁴ ʔnte³ xi³ t⁷a³tsaon⁴³, a³ tsi² nqui²sa⁴ tse³ ʔnte³ tjin¹-na³jⁱⁿ⁴ nca³ jⁱⁿ⁴-jⁱⁿ⁴, to⁴nca³ li²coi³ qui³ni²chjain¹-jⁱⁿ⁴ je² ʔnte³, to⁴sa³ nca³yi³je³ cjoa⁴ñ⁷ain³ jcho¹cjoa⁴-na³jⁱⁿ⁴, jme¹-ni³ nca³ tsi² tsa² coi³ c⁷oe¹chjoa²-si¹ni³lai⁴jⁱⁿ⁴ je² en¹nta³ xi³ t⁷a³ts⁷e⁴ Cristo.

13 A³ tsi² tsa² ʔyao³ nca³ je² xi³ si¹xa¹ ya⁴ ʔnte³tsje³,

cji³ne³ tso³jmi² xi³ nčhoa¹-ni³ ya⁴ ?nte³tsje³, c⁷oa⁴ je² xi³ si¹sin³ son²xta², c⁷oa⁴-ti⁴ v⁷a³cao⁴t⁷a³-le⁴ tso³jmi² xi³ ts⁷e⁴ son²xta².

14 C⁷oa⁴-ti⁴s⁷in²ni³ je² Nai³-na¹ tsa³c⁷e¹ne² nca³ je² xi³ nchja⁴ya³ je² en¹nta³ xi³ t⁷a³ts⁷e⁴ Cristo nca³ coi³ coa⁴tio⁴con³-ni³.

15 To⁴nca³ an³ ni⁴jme³-jin² qui³si³c⁷a³-nia³ coan³ je²-vi⁴. Ni⁴c⁷oa⁴-jin²s⁷in² qui³squi³t⁷a³ je²-vi⁴, jme¹-ni³ nca³ c⁷oa⁴si⁴cao⁴-si¹ni³na³ nca³ an³. An³ nqui²sa⁴ nta³ tjin¹-na³ tsa² coi³ya¹³ coa⁴-ni³ tsa² ?ya³ xi³ cjoa⁴a²xin²-na³ je² cjoa⁴qui²xi⁴ xi³ tjin¹-na³ nca³ v⁷a³sje³je³ya²³ yao³-na⁴.

16 Tsa² c⁷oa⁴-s⁷in² nchja²ya³ je² en¹nta³ xi³ t⁷a³ts⁷e⁴ Cristo, tsi²jme³ cjoa⁴qui²xi⁴ xi³ tjin¹-na³ nca³ v⁷a³sje³je³ya²³ yao³-na⁴, nca³ to⁴cjoa⁴n⁷ion¹ s⁷e³ne²-na³. Ma⁴xo¹-nia³ tsa² tsi² coi³nchja²ya³ je² en¹nta³ xi³ t⁷a³ts⁷e⁴ Cristo.

17 Tsa² c⁷oa⁴s⁷ian³ nca⁴ c⁷oa⁴-s⁷in² me³-na³, s⁷e⁴ chji¹-na⁴, to⁴nca³ tsa² tsi² c⁷oa⁴-s⁷in² me³-na³, to⁴jo³ c⁷oa⁴-s⁷in² cjoa⁴n⁷ion¹ qui³s⁷e³ne²-na³ xa¹-ve⁴.

18 Jña¹-le⁴ tso²c⁷oa⁴ je² xi³ chji¹-na⁴. Coi³, c⁷ia⁴ nca³ an³ coi³nchja²ya³ je² en¹nta³ xi³ t⁷a³ts⁷e⁴ Cristo, c⁷oe³jna²cjoa⁴tjoa²³ je² en¹nta³ t⁷a³ts⁷e⁴ Cristo, jme¹-ni³ nca³ tsi² ch⁷ao³-s⁷in² si³chjen¹-si¹nia³ je² ?nte³ xi³ tjin¹-na³ xi³ t⁷a³ts⁷e⁴ je² en¹nta³ t⁷a³ts⁷e⁴ Cristo.

19 Nta³ tsa² ntai¹ ti²jna⁴-le⁴ nca³ts⁷i³, c⁷oa⁴-s⁷in² cho⁴nta³-le⁴ nca³ts⁷i³ tsa³c⁷e³nta³-nia³ yao³-na⁴, jme¹-ni³ nca³ nqui²sa⁴ ncjin² cho⁴ta⁴ si³qui³njen³-si¹nia³ t⁷a³ts⁷e⁴ Cristo.

20 An³ coan³ jo³-ni³ cho⁴ta⁴ judío xi³ t⁷a³ts⁷e⁴ cho⁴ta⁴ judíos, jme¹-ni³ nca³ si³qui³njen³-si¹nia³ cho⁴ta⁴ judíos. C⁷oa⁴ xi³ t⁷a³ts⁷e⁴ je² xi³ tjio¹nqui³-

le⁴ cjoa⁴te¹xo³ma³, c⁷oa⁴-ti⁴s⁷in² coan³ jo³-ni³ xi³ tjio¹nqui³-le⁴ cjoa⁴te¹xo³ma³, (nta³ tsa² tsi² an³ va²te⁴jna³nqui³-le⁴ cjoa⁴te¹xo³ma³) jme¹-ni³ nca³ si³qui³njen³-si¹nia³ je² xi³ c⁷oa⁴-s⁷in² tjio¹nqui³-le⁴ cjoa⁴te¹xo³ma³.

21 C⁷oa⁴ xi³ t⁷a³ts⁷e⁴ je² xi³ tsin²-le⁴ cjoa⁴te¹xo³ma³, c⁷oa⁴-ti⁴ coan³ an³ jo³-ni³ je² xi³ tsin²-le⁴ cjoa⁴te¹xo³ma³-jin², (li²coi³ c⁷oa⁴coan³ an³ jo³-ni³ tsa² tsin²-na³ cjoa⁴te¹xo³ma³-jin², to⁴nca³ ti²jna⁴nquia³ cjoa⁴te¹xo³ma³-le⁴ Cristo) jme¹-ni³ nca³ si³qui³njen³-si¹nia³ t⁷a³ts⁷e⁴ Ni³na¹ je² xi³ c⁷oa⁴-s⁷in² tsin²-le⁴ cjoa⁴te¹xo³ma³-jin².

22 C⁷oa⁴ xi³ t⁷a³ts⁷e⁴ je² xi³ choa³con³, c⁷oa⁴-ti⁴ an³ choa³coan³, jme¹-ni³ nca³ si³qui³njen³-si¹nia³ je² xi³ c⁷oa⁴-s⁷in² choa³con³. Xi³ t⁷a³ts⁷e⁴ nca³ts⁷i³, c⁷oa⁴-s⁷in² coan³ an³ nca³yi³je³, jme¹-ni³ nca³ to⁴jo³ c⁷oa⁴s⁷in³-nia³ nca³ c⁷oa³sje³ntjai²c⁷a³-nia³.

23 C⁷oa⁴ je²-vi⁴ c⁷oa⁴s⁷ian³ xi³ t⁷a³ts⁷e⁴ en¹nta³ t⁷a³ts⁷e⁴ Cristo, jme¹-ni³ nca³ to⁴jnco³ c⁷oa⁴cao⁴t⁷a³-si¹ni³na³ cao⁴ je².

24 A³ tsi² tsa² ʔyao³ je² xi³ to³ca³na⁴cha⁴, cjoa⁴qui²xi⁴-ni¹ nca³ nca³ts⁷i³ to³ca³, to⁴nca³ to⁴jnco³ xi³ si¹qui³njen³ cjoa⁴tjao². C⁷oa⁴-s⁷in² to¹cao⁴³, jme¹-ni³ nca³ c⁷oa⁴-s⁷in² chjoe¹-si¹nio³ cjoa⁴tjao².

25 C⁷oa⁴ to⁴ya³-ni³ve⁴ xi³ c⁷oa⁴-s⁷in² si¹ta²ja³, cjoe¹xco¹-le⁴ yao³-le⁴ nca³yi³je³. Je²-vi⁴ xi³ c⁷oa⁴s⁷in¹, jme¹-ni³ nca³ si⁴²qui³njen³-si¹ni³ jnco³ corona xi³ to⁴fi³tson³, to⁴nca³ ña¹ jnco³ corona xi³ tsi² c⁷ia³ fi³tson³.

26 C⁷oa⁴-s⁷in² an³ to³ca³, li²coi³ jo³-ni³ tsa² je² xi³

tsi² ve³ qui²xi⁴. C⁷oa⁴-s⁷in² cjan²coa⁴, li²coi³ jo³-ni³ jnco³ xi³ to⁴v⁷e¹ jin³sen¹.

27 To⁴sa³ si³qui²⁷oan³ yao³-na⁴, c⁷oa⁴-s⁷in² v⁷e³ne²³-le⁴ yao³-na⁴, jo³-ni³ tsa² jnco³ cho⁴⁷nta³, jme¹-ni³ nca³ tsi² tsa² an³ chja³⁷a²xin²-ni³na³ cjoa⁴tjao² c⁷ia⁴ nca³ an³ xi³ c⁷oa⁴-s⁷in² qui³nchja²ya³jin³-le⁴ xi³c⁷a³.

10

A³li² ʔya³xcon¹-jian² xi³ xco¹son²

1 Li²coi³ me³-na³, nts⁷e³, nca³ tsi² jchao⁴³ nca³ je² n⁷ai³-na¹ tsa³ca³tio²nqui³ yo³jvi³, c⁷oa⁴ nca³ts⁷i³ ja³⁷a³to³jin³ nta¹chi³con³.

2 C⁷oa⁴ nca³ts⁷i³ qui³sa³te²nta¹t⁷a³-le⁴ Moisés ya⁴jin³ yo³jvi³, c⁷oa⁴ ya⁴jin³ nta¹chi³con³.

3 C⁷oa⁴ nca³ts⁷i³ ti⁴coi³ qui³squi³ne³-ni³ je² tso³jmi² xi³ ts⁷e⁴ espíritu.

4 C⁷oa⁴ nca³ts⁷i³ ti⁴coi³ tsa³c⁷i³-ni³ xi³ ts⁷e⁴ espíritu, nca³ qui³ts⁷i³-ni³ ts⁷e⁴ je² la⁴jao⁴ xi³ ts⁷e⁴ espíritu xi³ qui³tjen⁴nqui³-le⁴, c⁷oa⁴ je² la⁴jao⁴-vi⁴ Cristo ni¹.

5 Ncjin² xi³ ts⁷e⁴ li²coi³ qui³sa³sen³-le⁴ Ni³na¹. Xi³ coi³ qui³tsao³va³ ya⁴ ʔnte³t⁷a³xin²t⁷a³.

6 Je² cjoa⁴-vi⁴ xi³ c⁷oa⁴coan³ nca³ qui³si³cho⁴ya³-na¹, jme¹-ni³ nca³ tsi² coan⁴xin²ta³con²-si¹ni³le⁴ tso³jmi² xi³ ch⁷ao³ tjin¹, jo³-s⁷in² nca³ je² coan³xin²con³-le⁴.

7 A³li² c⁷oa⁴-jin²s⁷in² ʔya³xcon¹³ xco¹son², jo³-s⁷in² qui³s⁷in³ c⁷a³ nca³ je², jo³-s⁷in² nca³ tji¹t⁷a³: Tsa³ca³tio² je² na⁴xi⁴na³nta¹-ve⁴ nca³ tsa³cjen² tsa³c⁷i³, c⁷oa⁴ tsa³ca³sen²nto³ nca³ qui³te².

8 A³li² ni²cha³jnqui³-jian², jo³-s⁷in²
qui³si³cha³jnqui³ c⁷a³ nca³ je², c⁷oa⁴ nca³ to⁴jnc³
ni⁴chjin³ can³jan² jmi³ qui³tsao³.

9 Ni⁴ch⁷ao³ si⁴cao⁴-jian² Nai³-na¹ jo³-ni³ nca³ tjin¹
c⁷a³ nca³ je² qui³si³cao⁴, c⁷oa⁴ c⁷en³ nca³ tsa³c⁷e¹-le⁴
ye⁴.

10 Ni⁴sa³yo³je¹t⁷a³-jion²³, jo³ qui³s⁷in³ c⁷a³ nca³
je² nca³ tsa³cja³yo³je¹t⁷a³, c⁷oa⁴ c⁷en³, nca³ je² xi³
qui³si³xo²ya³ qui³si³c⁷en³.

11 C⁷oa⁴ je² cjoa⁴-vi⁴ c⁷oa⁴coan³-le⁴ nca³
qui³si³cho⁴ya³-le⁴, to⁴nca³ c⁷oa⁴-s⁷in² qui³chji³t⁷a³
nca³ va³co¹ya³-na¹ nca³ ña¹ xi³ je³ja³ai³ne²-na¹ je²
ni⁴chjin³ xi³ fe³t⁷a³-ni³.

12 C⁷oa⁴-s⁷in² nca³ je² xi³ si¹cja³⁷ai³tsjen³ nca³
n⁷ion¹ qui²xi⁴ ti¹jna³, ca²ta³si¹coi²nta⁴ yao³-le⁴ nca³
tsi² sca⁴.

13 Ni⁴jme³-jin² cjoa⁴ xi³ ch⁷ao³ si¹cao⁴-no³ xi³ tsi²
tsa² c⁷oa⁴-ti⁴ ch⁷ao³ si¹cao⁴ nca³ts⁷i³ cho⁴ta⁴. To⁴nca³
n⁷ion¹t⁷a³con³ Ni³na¹, xi³ tsi² tsa² tsjoa¹⁷nte³
nca³ nqui²sa⁴ tse³ si⁴²cao⁴-no³ cao⁴-ni³ tsa² je²
nca³n⁷ion¹-no³. C⁷ia⁴ nca³ ch⁷ao³ si¹cao⁴-no³, Ni³na¹
ña³tjen⁴ tsjoa¹ jo³-s⁷in² coi²tjo⁴³, jme¹-ni³ nca³ coan⁴
jcho¹cjoa⁴-si¹ni³no³.

Coi⁴ncha³xin²-le⁴² cjoa⁴-le⁴ xco¹son²

14 To⁴coi³, nts⁷e³ xi³ tsjoa³que⁴-no³, ti⁴ncha³xin²-
lao⁴³ cjoa⁴-le⁴ xco¹son².

15 An³ nchja²³-no³ jo³-ni³ tsa² cho⁴ta⁴ xi³ nta³
tjin¹-le⁴ cjoa⁴fa³⁷ai³tsjen³. Cho¹son²-ni³lao⁴³ nca³
jon² je² xi³ xian³.

16 Je² xi³ ⁷yoa³² xi³ ma³chi³con³t⁷ain³, xi³ nta³
ni²chi³con³t⁷en³², a³ tsi² tsa² coi³ xi³ njin¹-le⁴ Cristo

xi³ ti³yo³cjao³-nia³². Je² nio⁴xti²la⁴ xi³ ni²xcoa⁴², a³ tsi² tsa² coi³ xi³ yao³-le⁴ Cristo xi³ ti³yo³cjao³-nia³².

17 Nca⁴ to⁴jnc³ nio⁴xti²la⁴, c⁷oa⁴-s⁷in² to⁴jnc³ yao³ nia¹, nta³ tsa² ncjin² ma³-nia¹, nca³ nca³ts⁷ia³² v⁷a³cao^{4t}a³-na¹ nio⁴xti²la⁴-ve⁴.

18 Cho¹tsen³-lao⁴³ Israel xi³ i⁴ ts⁷e⁴ son³⁷nte³-vi⁴. Je² xi³ cjen² cjoa^{4t}jao² xi³ qui³ts⁷ai^{2t}a³, a³ tsi² tsa² je² xi³ v⁷a³cao^{4t}a³-le⁴ cao⁴ son²xta².

19 Jme¹ xi³ xian³-vi⁴ tso²c⁷oa⁴. A³ tjin¹-le⁴ cjoa⁴qui²xi⁴ xco¹son²-ve⁴, a³xo⁴ a³ tjin¹-le⁴ cjoa⁴qui²xi⁴ je² cjoa^{4t}jao² xi³ qui³ts⁷ai^{2t}a³-le⁴ xco¹son².

20 To⁴nca³ c⁷oa⁴xian³ nca³ je² xi³ tsjoa^{1t}a³ je² xi³ li²judío-jin², tsjoa^{1t}a³-le⁴ je² nai⁴² xi³ nta³j³in³, c⁷oa⁴ li²coi³ tsjoa^{1t}a³-le⁴ Ni³na¹. C⁷oa⁴ li²coi³ me³-na³ nca³ jon² to⁴jnc³ coaon⁴³ cao⁴ nai⁴² xi³ nta³j³in³.

21 Li²coi³ coan⁴ s⁷io⁴yao³ cho⁴tsin¹ xi³ ts⁷e⁴ Nai³-na¹ cao⁴ cho⁴tsin¹ xi³ ts⁷e⁴ nai⁴² xi³ nta³j³in³. Li²coi³ coan⁴ coi⁴yo^{3t}ao³ ya¹mi²xa⁴ xi³ ts⁷e⁴ Nai³-na¹ cao⁴ ya¹mi²xa⁴ xi³ ts⁷e⁴ nai⁴² xi³ nta³j³in³.

22 A³xo⁴ ña¹ xi³ ni²chi⁴nia⁴² Nai³-na¹. A³ nqui²sa⁴ tjin¹-na¹ nca³n⁷ion¹ cao⁴-ni³ tsa² je².

C⁷oa⁴s⁷ian⁴² nca³yi³je³ xi³ t⁷a³ts⁷e⁴ cjoa⁴je³ya³-le⁴ Ni³na¹

23 Nca³yi³je³ tjo³⁷nte³-na¹, to⁴nca³ li²coi³ nca³yi³je³ ma³chjen¹-na¹. Nca³yi³je³ tjo³⁷nte³-na¹, to⁴nca³ li²coi³ nca³yi³je³ nta³ si¹quin³nc⁷a³-na¹.

24 Ni⁴⁷ya³-jin² xi³ va¹sjai³ nca³ nta³ c⁷oe¹jna³ xi³ to⁴ts⁷e⁴-ni³, to⁴nca³ ca²ta³va¹sjai³ nca³ nta³ c⁷oe¹jna³ xi³ cja⁴⁷ai¹.

25 Nca³yi³je³ yao³ xi³ sa³te¹na³ ya⁴ jña³ m⁷en³ cho⁴, chi⁴nao⁴³ nca³ tsi² tsa² jme³ xi³ cho¹na³nquo³, jme¹-ni³ nca³ tsi² ch⁷ao³ si⁴²cao⁴-si¹ni³ cjoa⁴fa³⁷ai³tsjen³-no³.

26 Nca⁴ ts⁷e⁴ Nai³-na¹ je² son³⁷nte³, c⁷oa⁴ je² nca³yi³je³ xi³ ncha³ son³⁷nte³-vi⁴.

27 Tsa² jnco³ xi³ tsi² ma³cjain¹-le⁴ xi³ nchja⁴-no³, c⁷oa⁴ nca³ me³-no³ nca³ coa⁴nquion¹³, chi⁴nao⁴³ nca³yi³je³ to⁴jme³-ni³ xi³ sa⁴tio² nqui³xcon³ nca³ tsi² tsa² jme³ xi³ cho¹na³nquo³, jme¹-ni³ nca³ tsi² ch⁷ao³ si⁴²cao⁴-si¹ni³ cjoa⁴fa³⁷ai³tsjen³-no³.

28 To⁴nca³ tsa² jnco³ xi³ c⁷oi⁴coi⁴tso⁴-no³: Je²-vi⁴ xi³ qui³ts⁷ai²t⁷a³-le⁴ xco¹son², a³li² chi⁴ne⁴-jion²³ xi³ to⁴t⁷a³ts⁷e⁴ je² cho⁴ta⁴ xi³ c⁷oa⁴ca²tso²-no³, c⁷oa⁴ xi³ to⁴t⁷a³ts⁷e⁴ cjoa⁴fa³⁷ai³tsjen³. Nca⁴ ts⁷e⁴ Nai³-na¹ je² son³⁷nte³, c⁷oa⁴ je² nca³yi³je³ xi³ ncha³ son³⁷nte³-vi⁴.

29 Cjoa⁴fa³⁷ai³tsjen³, xian³, a³li² tsi⁴-jin², to⁴nca³ xi³ ts⁷e⁴ xi³jnco³ ni¹. Jme¹ chji¹-le⁴ cjoa⁴ntai¹-na⁴ tsa² c⁷oa⁴-s⁷in² s⁷e⁴-le⁴ cjoa⁴ñ⁷ain³ xi³ to⁴t⁷a³ts⁷e⁴ cjoa⁴fa³⁷ai³tsjen³-le⁴ xi³ cja⁴⁷ai¹.

30 C⁷oa⁴ tsa² an³ tsjoa³ cjoa⁴nta³ c⁷ia⁴ nca³ v⁷a³cao⁴t⁷a³-na³, a¹-ni³ nca³ c⁷oa⁴-s⁷in² coi⁴no²cjoa⁴⁷aon³-si¹ni³na³ xi³ to⁴t⁷a³ts⁷e⁴ je²-ve⁴ jña³-le⁴ xi³ cjoa⁴nta³ tsjoa³-nia³ nca³ cjen².

31 Tsa² vi³cho³, c⁷oa⁴ tsa² ⁷yo²³, tsa² to⁴jme³-ni³ve⁴ xi³ n⁷iaon²³, c⁷oa⁴t⁷iaon⁴³ nca³yi³je³ xi³ t⁷a³ts⁷e⁴ cjoa⁴je³ya³-le⁴ Ni³na¹.

32 A³li² ch⁷ao³-jin²s⁷in² mai¹cao⁴³ cho⁴ta⁴ judíos cao⁴ cho⁴ta⁴ xi³ li² judío-jin², c⁷oa⁴ cao⁴ na⁴xi⁴na³nta¹-le⁴ Ni³na¹,

33 jo³-ni³ nca³ c⁷oa⁴-ti⁴ an³ nta³ sa³sen¹con³-le⁴ nca³ts⁷i³, nca³ tsi² va³sje²³ xi³ ti⁴⁷an³ ma³chjen¹-na³, to⁴nca³ je² xi³ ma³chjen¹-le⁴ xi³ ncjin², jme¹-ni³ nca³ coi⁴tjo³ntjai²-si¹ni³.

11

1 Chjen¹nqui³-nao¹³ nca³ an³, jo³-ni³ nca³ c⁷oa⁴-ti⁴ an³ cjen³nqui³-le⁴ Cristo.

Ya¹nchjin¹ ma³chjen¹-le⁴ nca³ c⁷oe⁴²jtsa³ jco⁴

2 An³ v⁷a³sje²nta³-no³, nts⁷e³, nca³ nta³ tjio¹jjin³-ta³con²³ t⁷a³ts⁷an⁴, c⁷oa⁴ nca³ v⁷e²jjin³con³ cjoa⁴qui²xi⁴ jo³-s⁷in² nca³ tsa³ca³co³ya²³-no³.

3 To⁴nca³ me³-na³ nca³ jchao⁴³, nca³ Cristo nca³jco⁴-le⁴ nca³ts⁷i³ xi³ x⁷in⁴. C⁷oa⁴ je² x⁷in⁴ nca³jco⁴-le⁴ chjon⁴²-le⁴. C⁷oa⁴ Ni³na¹ xi³ nca³jco⁴-le⁴ Cristo.

4 To⁴⁷ya³-ni³ x⁷in⁴ xi³ v⁷e¹ts⁷oa³, a³xo⁴ nchja⁴ya³ t⁷a³ts⁷e⁴ Ni³na¹, tsa² v⁷e¹jtsa³ jco⁴, si¹soa³-le⁴ jco⁴.

5 To⁴nca³ to⁴⁷ya³-ni³ chjon⁴² xi³ v⁷e¹ts⁷oa³ a³xo⁴ nchja⁴ya³ t⁷a³ts⁷e⁴ Ni³na¹, tsa² tsi² v⁷e¹jtsa³ jco⁴, si¹soa³-le⁴ jco⁴, nca³ ti⁴coi³-ni³ tsa² jti¹ ntsja⁴-le⁴.

6 Tsa² je² chjon⁴² li²coi³ v⁷e¹jtsa³ jco⁴, c⁷oa⁴-ti⁴ ca²ta³s⁷e³jon³-le⁴. Tsa² ma³soa³-le⁴ chjon⁴² nca³ s⁷e³jon³-le⁴, nca³ jti¹ ntsja⁴-le⁴, ca²ta³v⁷e¹jtsa³ jco⁴.

7 Je² x⁷in⁴ li²coi³ tjin¹-ni³le⁴ nca³ c⁷oe⁴²jtsa³ jco⁴, nca³ c⁷oa⁴-s⁷in² coan³tsen³ya³ jo³ cjoan³ Ni³na¹, cao⁴ cjoa⁴je³ya³-le⁴. To⁴nca³ je² chjon⁴² cjoa⁴je³ya³-le⁴ ni¹ x⁷in⁴-le⁴.

8 A³li² je² x⁷in⁴ qui³s⁷e³nta³-ni³ chjon⁴², to⁴nca³ je² chjon⁴² qui³s⁷e³nta³-ni³ x⁷in⁴.

9 Je² x²in⁴ li²coi³ qui³s²e³nta³-ni³ xi³ t²a³ts²e⁴ chjon⁴², to⁴nca³ je² chjon⁴² qui³s²e³nta³-ni³ xi³ t²a³ts²e⁴ x²in⁴.

10 To⁴coi³ je² chjon⁴² tjin¹ne²-ni³le⁴ nca³ c²oe⁴²jtsa³ jco⁴, jo³-ni³ jnco³ choa⁴ xi³ ts²e⁴ cjoa⁴te¹xo³ma³. Tjin¹ne²-ni³le⁴ nca³ c²oa⁴s²in⁴² xi³ t²a³ts²e⁴ je² a²ncje⁴.

11 Jo³-s²in² nca³ tjio¹cao⁴ Nai³-na¹, ni⁴to⁴je²-jin² x²in⁴ nca³ tsin² chjon⁴², ni⁴je²-jin² chjon⁴² nca³ tsin² x²in⁴.

12 Jo³-ni³ tsa² je² chjon⁴² qui³s²e³nta³-ni³ x²in⁴, c²oa⁴-ti⁴s²in²ni³ je² x²in⁴ qui³s²e³nta³-ni³ xi³ to⁴t⁴a³ts²e⁴ chjon⁴², to⁴nca³ nca³yi³je³ ts²e⁴ Ni³na¹ ni¹.

13 Cho¹son²-ni³lao⁴³ nca³ ti⁴jon²-nio³. A³ va³quin²-le⁴ chjon⁴² nca³ c²oe⁴²ts²oa³-le⁴ Ni³na¹ nca³ tsi² tji¹jtsa³ jco⁴.

14 Jo³ cjoan³² nca³ to⁴xa¹ cjoan³-nia³² son³²nte³, a³ tsi² va³co¹ya³-no³ nca³ je² x²in⁴ ch²ao³ tjin¹-ni³ nca³ ntsja⁴-le⁴ si⁴²nto³.

15 To⁴nca³ je² chjon⁴² nca³ si¹nto³ ntsja⁴-le⁴ coi³ cjoa⁴je³ya³-le⁴, nca³ coi³ xa¹ qui³ts²ai²-le⁴ ntsja⁴-le⁴, nca³ v²e¹jtsa³ jco⁴ jo³-ni³ pa²ño⁴ coan⁴-le⁴.

16 Tsa² jnco³ xi³ me³-le⁴ nca³ to⁴cja⁴⁷ai¹ coi⁴tso⁴, ca²ta³ve³ nca³ jin⁴-jin⁴ li²coi³ cja⁴⁷ai¹-s²in² nca³-na³jin⁴, ni⁴je²-jin² na⁴xi⁴na³nta¹-le⁴ Ni³na¹.

Cho⁴ta⁴ ch²ao³ qui³si³chjen¹ je² cena-le⁴ Nai³-na¹

17 To⁴nca³ je²-vi⁴ xi³ v²e³ne²³-ni³no³, c²oa⁴ li²coi³ nta³ v²a³sje²³-no³ nca³ jon² nca³ c²oa⁴-s²in² tsi² nta³ n²iaon²³, to⁴ch²ao³ n²iaon²³ nca³ ma³ño³.

18 Ti¹tjon² je²-vi⁴, c⁷ia⁴ nca³ ma³ñao³ jon² xi³ na⁴xi⁴na³nta¹-le⁴ Cristo ⁷mi²-no³, nch⁷oe³-nia³ nca³ c⁷oa⁴-s⁷in² ncjin² ya³ ma³-nio³. C⁷oa⁴ ma³cjain¹i⁴tse¹-na³.

19 Ma³chjen¹ nca³ tjin¹ ya⁴j³in³-no³ nca³ jon² xi³ cja⁴ai¹ tso², jme¹-ni³ nca³ je² xi³ cho⁴ta⁴cjoa⁴qui²xi⁴ coan⁴tsen³j³in³-si¹ni³no³ nca³ jon².

20 C⁷ia⁴ nca³ to⁴j³nco³ ma³ñao³, li² cena-le⁴ Nai³-na¹j³in² xi³ chi³nao³-ve⁴.

21 Jnco¹j³nco¹ to⁴nqui³-ni³ cji³ne³ cena xi³ ti⁴ts⁷e⁴-ni³, c⁷oa⁴j³nco³ xi³ vao³-le⁴, c⁷oa⁴ xi³ nqui²j³nco³ ch⁷i⁴.

22 Jme¹-ni³ni³. A³ tsi² tjin¹-no³ nt⁷ia³ jña³ nca³ vi³cho³ jña³ ⁷yo²³. A³xo⁴ taon³ ⁷yao³ je² na⁴xi⁴na³nta¹-le⁴ Ni³na¹, c⁷oa⁴ a³ ni²soa³-lao⁴³ je² xi³ tsin²-le⁴. Jme¹ xi³ xin³-no³. A³ nta³ c⁷oa³sje²³-no³. Coi³ je²-vi⁴ li²coi³ nta³ v⁷a³sje²³-ni³no³.

Xi³ t⁷a³ts⁷e⁴ je² cena-le⁴ Nai³-na¹

(Mt. 26:26-29; Mr. 14:22-25; Lc. 22:14-20)

23 Nai³-na¹ qui³tsjoa³-na³ ti⁴coi³ xi³ tsa³ca³co³ya²³-no³ nca³ jon²: Je² Nai³-na¹ Jesús qui³scoe¹ nio⁴x²ti²la⁴ je² ni⁴tjen⁴ c⁷ia⁴ nca³ qui³cha³ni²t⁷a³.

24 C⁷ia⁴ nca³ je³qui³tsjoa³ cjoa⁴nta³, qui³si³xcoa⁴ya³, c⁷oa⁴qui³tso²: Chjoao¹³, ti⁴cho³. Je²-vi⁴ yao³-na⁴ xi³ c⁷oa⁴-s⁷in² ma³xcoa⁴ya³ t⁷a³tsaon⁴³. C⁷oa⁴t⁷iaon⁴³ je²-vi⁴ nca³ cjoa⁴ai¹tsjen³-no³ xi³ t⁷a³ts⁷an⁴.

25 C⁷oa⁴-ti⁴s⁷in²ni³ qui³scoe¹ je² cho⁴tsin¹, coan³scan³-ni³ nca³ je³tsa³cjen², qui³tso²: Je² cho⁴tsin¹-vi⁴ je² cjoa⁴cho⁴tse⁴ xi³ s⁷e³n⁷ion¹ cao⁴ njin¹-na⁴. To⁴jo³ tjin¹ c⁷a³ nca³ s⁷io⁴yao³

cho⁴tsin^{1-vi} c⁷oa^{4t}iaon⁴³ nca³ cjoa⁴⁷ai¹tsjen^{3-no} xi³ t⁷a³ts⁷an⁴.

26 To⁴jo³ tjin¹ c⁷a³ nca³ coi⁴cho³ nio⁴x^{ti}la^{4-vi}, c⁷oa⁴ nca³ s⁷io⁴yao³ cho⁴tsin^{1-vi}, coi⁴no²cjoa⁴ya³-nio³ cjoa⁴vi³ya^{3-le} Nai^{3-na} sa³⁷nta³ nca³ cjoa⁴⁷ai¹ nca³ je².

A^{3li} to⁴xquia⁴ c⁷oa⁴ⁿian² nca³ vi³cha³² je² cena-le⁴ Nai^{3-na}

27 C⁷oa^{4-s}in² to⁴⁷ya³⁻ⁿⁱ xi³ coa⁴cjen⁴ nio⁴x^{ti}la^{4-vi} a³xo⁴ xi³ sc⁷oi¹ya³ cho⁴tsin^{1-vi}, xi³ to⁴xquia⁴ c⁷oa^{4s}in¹, je¹ s⁷e^{4-le} t⁷a³ts⁷e⁴ yao^{3-le} c⁷oa⁴ t⁷a³ts⁷e⁴ njin^{1-le} Nai^{3-na}.

28 To⁴coi³ ca²ta³co³t⁷a³ nca³ jnco¹jnco¹ yao^{3-le} nca³ ti⁴je²⁻ⁿⁱ, c⁷oa^{4-s}in² ca²ta³cjen² nio⁴x^{ti}la^{4-vi}, c⁷oa⁴ ca²ta³⁷vi³ya³ cho⁴tsin^{1-vi}.

29 C⁷oa⁴ je² xi³ cjen², xi³ vi³, xi³ to⁴xquia⁴ c⁷oa^{4s}in¹, ti⁴je² v⁷a³sje³⁻ⁿⁱle⁴ cjoa^{4ñ}ain³ yao^{3-le}, nca⁴ tsi² tsa² nta³ co³son^{2-le} t⁷a³ts⁷e⁴ yao^{3-le} Nai^{3-na}.

30 To⁴coi³ nca³ c⁷oa^{4-s}in² ncjin² xi³ tjio¹m⁷en³, c⁷oa⁴ xi³ choa³con³, tjio¹ ya⁴jⁱⁿle⁴ nca³ jon², c⁷oa⁴ ncjin² xi³ fa³yo³fe² nca³ je³c⁷en³.

31 Tsa² c⁷oa^{4-s}in² nta³ cho¹son^{2-le} t⁷a³ts⁷e⁴ yao^{3-na} nca³ ti⁴ñ¹-nia³², xi³ cjoa⁴qui²xi⁴ li²coi³ c⁷oi^{4t}ain^{3-na} cjoa^{4ñ}ain³.

32 To⁴nca³ nca³ v⁷ai²t⁷ain^{3-na} cjoa^{4ñ}ain³, c⁷oa^{4-s}in² si¹que^{3-na} cjoa^{4ñ}ain³ je² Nai^{3-na}, jme¹⁻ⁿⁱ nca³ tsi² c⁷oi^{4t}ain^{3-si}ni^{3-na} cjoa^{4ñ}ain³ cao⁴ je² son³⁷nte³.

33 C⁷oa^{4-s}in² nts⁷e³, c⁷ia⁴ nca³ ma³ñao³ nca³ vi³cho³, cho¹ya^{3-lao} xi²nquio⁴³.

34 Tsa² jnco³ xi³ vao³-le⁴, ca²ta³cjen² ya⁴ ni³ya³-le⁴, jme¹-ni³ nca³ tsi² coan⁴ña³-si¹nio³ nca³ c⁷oi⁴t⁷ain³-no³ cjoa⁴ñ⁷ain³. Je² xi³c⁷a³ cjoa⁴ c⁷oe³nta³ c⁷ia⁴ nca³ cjoe²7e⁴.

12

Je² cjoa⁴tjao²-le⁴ Espíritu Santo

1 Xi³ t⁷a³ts⁷e⁴ cjoa⁴tjao²-le⁴ Espíritu Santo, li²coi³ me³-na³, nts⁷e³, nca³ tsi² jchao⁴3.

2 ⁷ya³-nio¹³ c⁷ia⁴ nca³ cho⁴ta⁴ xi³ li² judío-jin² coaon⁴3, to⁴jo³-s⁷in² nca³i⁴ nca³jan¹ qui³cao⁴-no³, nca³ c⁷oa⁴-s⁷in² cjoa⁴n⁷ion¹ tsa³nquin¹t⁷a³-lao⁴3 xco¹son² xi³ tsi² ma³-le⁴ nchja⁴.

3 To⁴coi³ c⁷oa⁴xin³-ni³no³ nca³ ni⁴7ya³-jin² xi³ nchja⁴ to⁴t⁷a³ts⁷e⁴ je² Espíritu xi³ ts⁷e⁴ Ni³na¹, xi³ c⁷oi⁴tso²-le⁴ Jesús, ca²tji³cao⁴-li² nai⁴2. C⁷oa⁴ li²7ya³ xi³ ma³-le⁴ nchja⁴ Jesús Señor, tsa² tsi² to⁴t⁷a³ts⁷e⁴ je² Espíritu Santo.

4 To⁴nca³ tjin¹ jo³-s⁷in² v⁷a³vi¹ cjoa⁴tjao², to⁴nca³ ti⁴je²-ni³ Espíritu.

5 C⁷oa⁴ tjin¹ jo³-s⁷in² v⁷a³vi¹ xa¹, to⁴nca³ ti⁴je²-ni³ Nai³-na¹.

6 C⁷oa⁴ tjin¹ jo³-s⁷in² v⁷a³vi¹ nca³n⁷ion¹-le⁴ xa¹, to⁴nca³ ti⁴je²-ni³ Ni³na¹ xi³ c⁷oa⁴-s⁷in² si¹xa¹j³in³-le⁴ nca³ts⁷i³ cho⁴ta⁴ nca³yi³je³ coi³ cjoa⁴-vi⁴.

7 To⁴nca³ nca³ jnco¹jnco¹ c⁷oa⁴-s⁷in² v⁷ai²-le⁴ nca³ si⁴2c⁷a³tsen³ je² Espíritu Santo, jme¹-ni³ nca³ c⁷oa⁴-s⁷in² nta³ coa⁴tio⁴-si¹ni³ nca³ts⁷i³.

8 Xi³ cjoa⁴qui²xi⁴, to⁴t⁷a³ts⁷e⁴ je² Espíritu Santo v⁷ai²-le⁴ jnco³ cho⁴ta⁴ en¹ xi³ ts⁷e⁴ cjoa⁴fa³7ai³tsjen³ xi³ nta³ tjin¹, c⁷oa⁴ nqui²jnco³ en¹ xi³ ts⁷e⁴

cjoa⁴chji⁴ne⁴, jo³-s⁷in² nca³ ti⁴je²-ni³ Espíritu Santo tsjoa¹.

⁹ C⁷oa⁴ to⁴t⁷a³ts⁷e⁴ ti⁴je²-ni³ Espíritu Santo v⁷ai²-le⁴ xi³ nqui²jnc³ nca³ ma³cjai¹-le⁴, c⁷oa⁴ nqui²jnc³, je² cjoa⁴tjao²-ve⁴ nca³ ma³-le⁴ si¹nta³ to⁴t⁷a³ts⁷e⁴ ti⁴je²-ni³ Espíritu Santo.

¹⁰ C⁷oa⁴ nqui²jnc³, v⁷ai²-le⁴ nca³n⁷ion¹ xi³ ma³-le⁴ si¹xa¹-jin³ cjoa⁴xcon¹. C⁷oa⁴ nqui²jnc³, nca³ n⁷ion¹ nta³ nchja⁴ya³. C⁷oa⁴ nqui²jnc³, nca³ ma³-le⁴ co³t⁷a³jin³ espíritu. C⁷oa⁴ nqui²jnc³, nca³ cja⁴ai¹ en¹ ma³-le⁴ nchja⁴. C⁷oa⁴ nqui²jnc³, nca³ ma³-le⁴ si¹c⁷a³to³ya³ en¹.

¹¹ To⁴nca³ to⁴jnc³, xi³ ti⁴je²-ni³ Espíritu Santo, c⁷oa⁴-s⁷in² si¹xa¹jin³ nca³yi³je³ cjoa⁴-vi⁴, nca³ si¹c⁷a³vi¹-le⁴ nca³ jnc¹jnc¹ nca³ts⁷i³ xi³ ti⁴ts⁷e⁴-ni³ cjoa⁴tjao², jo³-s⁷in² me³-le⁴ nca³ je².

¹² Jo³-s⁷in² nca³ je² yao³-na¹ to⁴jnc³ ni¹, nta³ tsa² ncjin² jco⁴ya³ tjin¹-le⁴ xi³ tjio¹cjao³t⁷a³-ni³, to⁴nca³ nca³yi³je³ jco⁴ya³-le⁴ yao³-na¹, nta³ tsa² ncjin² ma³-ni³, to⁴jnc³ yao³ ma³, ti⁴c⁷oa⁴-s⁷in²ni³ Cristo.

¹³ To⁴t⁷a³ts⁷e⁴ jnc³ Espíritu Santo qui³sa³te²nta¹-nia³² nca³ts⁷ia³², nca³ to⁴jnc³ yao³-na¹ ma³², tsa² cho⁴ta⁴ judío nia¹, a³xo⁴ cho⁴ta⁴ griego nia¹, tsa² cho⁴nta³ nia¹, a³xo⁴ ti³yo³ntai¹-nia¹. Nca³ts⁷ia³² to⁴jnc³ Espíritu Santo qui³si³tse³ya³ ni⁴ma⁴-na¹.

¹⁴ Je² yao³-na¹ li² to⁴jnc³ jco⁴ya³-jin², to⁴nca³ ncjin² jco⁴ya³ tjio¹cjao³t⁷a³-ni³.

¹⁵ Tsa² je² ntso⁴co⁴ coi⁴tso⁴: A³li² an³-jian²³ ntsa⁴, coi³ nca³ li² ts⁷e⁴ yao³-ve⁴jian²³. A³li² to⁴coi³ nca³ tsi² tsa² ts⁷e⁴ coan⁴-ni³ yao³-ve⁴.

¹⁶ C⁷oa⁴ tsa² xo⁴ño³ coi⁴tso⁴: A³li² an³-jian²³ xcon⁴,

coi³ nca³ li² ts⁷e⁴ yao³-ve⁴jian²³. A³li² to⁴coi³ nca³ tsi² ts⁷e⁴ coan⁴-ni³ yao³-ve⁴.

17 Tsa² nca³yi³je³ yao³ to⁴xcon⁴ coan⁴, jo¹-s⁷in² cjo¹i⁴nch⁷oe¹-ni³. Tsa² nca³yi³je³ to⁴xo⁴ño³ coan⁴, jo¹-s⁷in² coi⁴njen³-le⁴.

18 To⁴nca³ coe⁴-ni³ Ni³na¹ c⁷oa⁴-s⁷in² tsa³c⁷e¹cjao³jin³ yao³-na¹ nca³ jnco¹jnco¹ jco⁴ya³, jo³-s⁷in² coan³me³-le⁴.

19 Tsa² nca³yi³je³ to⁴jnco³ jco⁴ya³ coan⁴, jña¹ ti¹jna³ yao³-na¹.

20 To⁴nca³ coe⁴-ni³ ncjin² jco⁴ya³ ma³-ni³, to⁴nca³ to⁴jnco³ yao³-na¹.

21 Ni⁴je²-jin² xcon⁴ coan⁴ coi⁴tso⁴-le⁴ ntsja³: Li²coi³ ma³chjen¹-le²³, ni⁴ti⁴c⁷oa⁴-jin²ni³s⁷in² je² jco⁴cao⁴ ntso⁴co⁴: Li²coi³ ma³chjen¹-na³ nca³ jon².

22 To⁴sa³ je² jco⁴ya³-le⁴ yao³-na¹ xi³ ma³tsen³ nca³ tsin²-le⁴ nca³n⁷ion¹, je² xi³ nqui²sa⁴ ma³chjen¹.

23 C⁷oa⁴ je² jco⁴ya³-le⁴ yao³-na¹ xi³ ma³tsen³ nca³ nqui²sa⁴ choa³ nta³ ʔya³², je²-vi⁴ xi³ nqui²sa⁴ xcon¹ ni²c⁷a³cja¹, c⁷oa⁴ je² jco⁴ya³-le⁴ xi³ soa³-ta³con²cha³², nqui²sa⁴ to⁴ʔma³ ni²ca³tioa¹.

24 Je² jco⁴ya³-le⁴ yao³-na¹ xi³ nqui²sa⁴ ma³ ni²ca³tio¹tsen³, li²coi³ ma³chjen¹ nca³ ʔma³ ni²ca³tioa¹. To⁴nca³ Ni³na¹ xi³ c⁷oa⁴-s⁷in² tsa³c⁷e¹cjao³t⁷a³ je² yao³-na¹, nca³ nqui²sa⁴ ʔya³xcon¹ je² xi³ nqui²sa⁴ tse³ cha³-le⁴,

25 jme¹-ni³ nca³ tsi² tsa² jao²ya³ coan⁴-si¹ni³ yao³-na¹, to⁴nca³ jme¹-ni³ nca³ je² nca³yi³je³ jco⁴ya³-le⁴ to⁴nco¹son²-s⁷in² si¹sin³-le⁴ xi¹ncjin¹.

26 Tsa² jnco³ jco⁴ya³-le⁴ aon³-le⁴, nca³yi³je³ jo³ tjin¹ jco⁴ya³ to⁴jnco³ ma³⁷aon³-le⁴, c⁷oa⁴ tsa² jnco³

jco⁴ya³-le⁴ xi³ xcon¹ ʔya³, nca³yi³je³ xi³ jo³ tjin¹ ma³-ni³ jco⁴ya³-le⁴ to⁴jnc³ ma³tsjoa³-le⁴.

27 C⁷oa⁴ jon² yao³-le⁴ Cristo nio¹³, c⁷oa⁴ jnc¹jnc¹ jco⁴ya³ ma³-nio³.

28 C⁷oa⁴ tjin¹ c⁷a³ xi³ Ni³na¹ qui³si³ca³tio¹j³-le⁴ na⁴xi⁴na³nta¹-le⁴ Cristo, ti¹tjon² je² xi³ pa²stro⁴, c⁷ia⁴ je² xi³ nchja⁴ya³, ma³jan²-ni³ je² xi³ va³co¹ya³. C⁷ia⁴ je² xi³ si¹xa¹j³in³ cjoa⁴xcon¹, c⁷ia⁴ je² xi³ ma³-le⁴ si¹nta³, xi³ va³sen¹cao⁴, xi³ va³te¹xo³ma³, xi³ ma³-le⁴ nchja⁴ en¹ xi³ cja⁴⁷ai¹.

29 A³ pa²stro⁴ ni¹ nca³ts⁷i³. A³ nchja⁴ya³-ni¹ nca³ts⁷i³. A³ va³co¹ya³-ni¹ nca³ts⁷i³. A³ ma³-le⁴ si¹xa¹j³in³ cjoa⁴xcon¹ nca³ts⁷i³.

30 A³ ma³-le⁴ si¹nta³ nca³ts⁷i³. A³ nchja⁴ en¹ xi³ cja⁴⁷ai¹ nca³ts⁷i³. A³ si¹c⁷a³to³ya³ en¹ nca³ts⁷i³.

31 To⁴nca³ t⁷e²-ta³con²lao⁴³ je² cjoa⁴tjao² xi³ nqui²sa⁴ nta³ tjin¹. To⁴nca³ an³ va³co³-no³ jnc³ nta⁴² xi³ n⁷ion¹ nqui²sa⁴ nta³ tjin¹.

13

Xi³ t⁷a³ts⁷e⁴ cjoa⁴tjao²cha³

1 Nta³ tsa² an³ nchja²³ en¹ xi³ ts⁷e⁴ cho⁴ta⁴, c⁷oa⁴ xi³ ts⁷e⁴ a²ncje⁴, c⁷oa⁴ tsa² tsin²-na³ cjoa⁴tjao²cha³-jin², c⁷oa⁴-s⁷in² nca³ an³ jo³-ni³ qui⁴cha⁴ xi³ n⁷ion¹ fa³ne³ya³, a³xo⁴ platillo xi³ n⁷ion¹ fa³ne³ nca³ vi³chon³cjao³-le⁴ xi¹ncjin¹.

2 C⁷oa⁴ nta³ tsa² an³ tjin¹-na³ cjoa⁴tjao² nca³ ma³-na³ nchja²ya³, c⁷oa⁴ nta³ tsa² ma³cho⁴ya³-na³ nca³yi³je³ cjoa⁴ xi³ tji¹⁷ma³, c⁷oa⁴ nca³yi³je³ cjoa⁴chji⁴ne⁴, c⁷oa⁴ nta³ tsa² tse³ ma³cjain¹-na³ nca³yi³je³, sa³⁷nta³ nca³ coan⁴-na³ cjoa⁴⁷a²xian²³

ni³nto³, tsa² tsin²-na³ cjoa⁴tjao²cha³, ni⁴jme³-jian²ni³ an³.

³ C⁷oa⁴ nta³ tsa² si³c⁷a³via¹³ nca³yi³je³ xi³ tj¹in¹-na³, jme¹-ni³ nca³ si³cjen²-si¹nia³ je² xi³ yo⁴ma⁴, c⁷oa⁴ nta³ tsa² tsjoa³t⁷a³ yao³-na⁴ nca³ c⁷oa⁴-s⁷in² coi⁴ti⁴, tsa² tsin²-na³ cjoa⁴tjao²cha³, li²jme³ chji¹-na³.

⁴ Je² cjoa⁴tjao²cha³ tse³jta³-ni¹, c⁷oa⁴ tj¹in¹-le⁴ cjoa⁴nta³. Je² cjoa⁴tjao²cha³ tsin²-le⁴ cjoa⁴xin²ta³con²-jin². Je² cjoa⁴tjao²cha³ li²coi³ v⁷a³sje³je³ya³ yao³-le⁴, li²coi³ ma³nc⁷a³con³.

⁵ Li²coi³ si¹soa³-le⁴ xi¹ncjin¹, li²coi³ va¹sjai³ xi³ ti⁴ts⁷e⁴-ni³, li²coi³ ma³ti³jta³, li²coi³ v⁷e¹j¹in³con³ xi³ ch⁷ao³ tj¹in¹.

⁶ Li²coi³ si¹tsjoa³-ni³le⁴ yao³-le⁴ xi³ t⁷a³ts⁷e⁴ xi³ tsin² cjoa⁴qui²xi⁴, to⁴nca³ to⁴jnc³ si¹tsjoa³-ni³le⁴ yao³-le⁴ cao⁴ xi³ cjoa⁴qui²xi⁴.

⁷ Si¹cjain¹-le⁴ nca³yi³je³, ma³cjain¹-le⁴ nca³yi³je³, co³ya³-le⁴ nca³yi³je³, nca³yi³je³ jcho¹cjoa⁴cao⁴-le⁴.

⁸ Je² cjoa⁴tjao²cha³ ni⁴c⁷ia³-jin² fe³t⁷a³, to⁴nca³ je² cjoa⁴ xi³ no²cjoa⁴ya³-ni³ li²coi³ ti⁴coan⁴chjen¹-ni³, c⁷oa⁴-ti⁴ s⁷e⁴chjoa²-le⁴ je² en¹-le⁴ cho⁴ta⁴, c⁷oa⁴ je² cjoa⁴chji⁴ne⁴ li²coi³ ti⁴coan⁴chjen¹-ni³.

⁹ To⁴choa³ xi³ ⁷ya³xcoan³², c⁷oa⁴ to⁴choa³ xi³ no²cjoa⁴ya³².

¹⁰ To⁴nca³ c⁷ia⁴ nca³ cjoa⁴⁷ai¹ je² xi³ ña³qui³ tj¹in¹jnc³, c⁷ia⁴ je² xi³ to⁴choa³ tj¹in¹, li²coi³ ti⁴coan⁴chjen¹-ni³.

¹¹ C⁷ia⁴ nca³ ⁷ntia¹³, qui³nchja²³ jo³-ni³ ⁷nti¹, qui³si³cja³⁷ai³tsjen³ jo³-ni³ ⁷nti¹, qui³sco³son²-le⁴ jo³-ni³ ⁷nti¹, to⁴nca³ c⁷ia⁴ nca³ je³coan³jchi¹nca³, qui³si³c⁷e¹jna²³ cjoa⁴⁷nti¹-na⁴.

12 Nt⁷ai⁴-vi⁴ jo³-ni³ cho⁴tsin¹ ti³cho²tsen³ya³², to⁴xa⁴ ti³ya³², to⁴nca³ c⁷ia⁴² cho¹tsen³-le⁴² nca³ ncha³cjao³⁷a³². Nt⁷ai⁴-vi⁴ to⁴choa³ xi³ ⁷ve³, to⁴nca³ c⁷ia⁴² scoe³yi³je³ an³, jo³-s⁷in² ⁷ya³-na³ nca³yi³je.

13 Nt⁷ai⁴-vi⁴ c⁷oa⁴-s⁷in² tjio¹ntsjai² xi³ ma³cjain¹-na¹, xi³ cjoa⁴cho³ya²cao⁴cjoa⁴, c⁷oa⁴ xi³ cjoa⁴tjao²cha³, c⁷oa⁴je² xi³ jan² cjoa⁴-vi⁴, to⁴nca³ je² xi³ nqui²sa⁴ ti¹tjon², je² xi³ cjoa⁴tjao²cha³.

14

Je² xi³ en¹cja⁴⁷ai¹ nchja⁴

1 Ta⁴nquin¹tjen⁴nqui³-lao⁴³ cjoa⁴tjao²cha³, c⁷oa⁴ t⁷e²-ta³con²lao⁴³ je² cjoa⁴tjao²-le⁴ Espíritu Santo, to⁴nca³ xi³ nqui²sa⁴ n⁷ion¹ ma³chjen¹ nca³ no²cjoa⁴ya³-nio³.

2 Je² xi³ en¹cja⁴⁷ai¹ nchja⁴, a³li² cho⁴ta⁴-jin² xi³ nchja⁴cao⁴, to⁴je² Ni³na¹ xi³ nchja⁴cao⁴, nca³ tsi² tsa² ⁷ya³ xi³ nch⁷oe¹-le⁴, nca³ to⁴cjoa⁴⁷ma³ nchja⁴ xi³ to⁴t⁷a³ts⁷e⁴ Espíritu Santo.

3 To⁴nca³ je² xi³ nchja⁴ya³, nchja⁴cao⁴ cho⁴ta⁴, nca³ si¹quin³nc⁷a³ cjoa⁴fa³⁷ai³tsjen³-le⁴, c⁷oa⁴ nca³ si¹n⁷ion¹jin³-le⁴, c⁷oa⁴ nca³ si¹je³con³.

4 C⁷oa⁴ je² xi³ en¹cja⁴⁷ai¹ nchja⁴, ti⁴je²-ni³ si¹quin³nc⁷a³ yao³-le⁴, to⁴nca³ je² xi³ nchja⁴ya³, na⁴xi⁴na³nta¹-le⁴ Cristo si¹quin³nc⁷a³.

5 C⁷oa⁴-s⁷in² me³-na³ nca³ coi⁴no²cjoa⁴³ en¹cja⁴⁷ai¹ nca³ts⁷io³, to⁴nca³ xi³ nqui²sa⁴ me³-na³ nca³ coi⁴no²cjoa⁴yao³. Nqui²sa⁴ ti¹tjon² je² xi³ nchja⁴ya³ cao⁴-ni³ tsa² je² xi³ en¹cja⁴⁷ai¹ nchja⁴, tsa² c⁷oa⁴-ti⁴ tsin² xi³ si¹c⁷a³to³ya³ en¹-le⁴, jme¹-ni³ nca³ je² na⁴xi⁴na³nta¹-le⁴ Cristo coi⁴nc⁷a³-si¹ni³.

6 Nt⁷ai⁴-vi⁴ tso²c⁷oa⁴, nts⁷e³, tsa² an³ cjo¹i¹con³-no³ nca³ coi³nchja²³ en¹cja⁴⁷ai¹, jme¹ xi³ coi⁴njen⁴-no³, tsa² tsin² coi³nchja²tsen³j³in³-no³, a³xo⁴ tsa² tsi²si³chji⁴ne⁴-no³, a³xo⁴ tsa² tsi² coi³nchja²ya³-no³, a³xo⁴ tsa² tsi² coa³co³ya²³-no³.

7 Xi³ cjoa⁴qui²xi⁴, je² tso³jmi² xi³ tsin²-le⁴ ni⁴ma⁴-jin², xi³ c⁷oa⁴-s⁷in² cji³⁷ntia¹ jo³-ni³ je² xo⁴vi¹ a³xo⁴ je² arpa, tsa² tsi² tsa² cja⁴⁷ai¹-s⁷in² cjoa⁴ne³ya³, jo¹-s⁷in² jcha⁴-ni³le⁴ jo³ tso² xi³ ti¹ni²cji³⁷ntia¹ cao⁴xo⁴vi¹ cao⁴ arpa.

8 C⁷oa⁴ tsa² je² čhjao³ corneta tsi² nta³ fa³ne³, ⁷ya¹ xi³ c⁷oe¹yo³nta³-le⁴ cjoa⁴jchan¹.

9 C⁷oa⁴-ti⁴s⁷in²ni³ nca³ jon², tsa² cao⁴ ni³jaon³ no²cjoa⁴-nio³ en¹ xi³ tsi²jme³ tso²ya³-ni³, jo¹-s⁷in² coi⁴no¹⁷ya²-ni³le⁴ jme³ xi³ no²cjoao⁴³, nca³ to⁴coi⁴no²cjoa⁴ jin³saon¹³.

10 A³li² to⁴ncjin² jco⁴ya³ en¹ xi³ tjin¹ i⁴ son³⁷nte³, c⁷oa⁴ ni⁴jnc³-jin² xi³ tsi² tsa² tjin¹-le⁴ jo³-s⁷in² nchja⁴-ni³.

11 To⁴nca³ tsa² an³ tsi² ⁷ve³ jo³ tso² je² en¹, c⁷oa⁴-s⁷in² cho⁴ta⁴ xi³ xin² ⁷nte³-le⁴ coan⁴ nca³ an³ xi³ t⁷a³ts⁷e⁴je² xi³ c⁷oa⁴-s⁷in² nchja⁴. C⁷oa⁴je²xi³ nchja⁴ cho⁴ta⁴ xi³ xin² ⁷nte³-le⁴ coan⁴ t⁷a³ts⁷an⁴.

12 C⁷oa⁴-ti⁴s⁷in²ni³ nca³ jon² nca³ c⁷oa⁴-s⁷in² ni²xa¹ti¹ya³-lao⁴³ yao³-no³ nca³ me³-no³ cjoa⁴tjao²-le⁴ Espíritu Santo. C⁷oa⁴-s⁷in² ti⁴xa¹ti¹yao³ nca³ si⁴quin³nc⁷ao³ na⁴xi⁴na³nta¹-le⁴ Cristo.

13 To⁴coi³ je² xi³ nchja⁴ en¹cja⁴⁷ai¹, ca²ta³v⁷e¹ts⁷oa³ nca³ coan⁴ si⁴²c⁷a³to³ya³-le⁴.

14 Tsa² an³ v⁷e³ts⁷oa²³ cao⁴ en¹cja⁴⁷ai¹, je² espíritu-na⁴ v⁷e¹ts⁷oa³, to⁴nca³ je² cjoa⁴fa³⁷ai³tsjen³-na⁴ li²coi³

vi³ncha³cao⁴.

15 Jme¹-ni³ tso²c⁷oa⁴. C⁷oe³ts⁷oa²³ cao⁴ espíritu-na⁴, to⁴nca³ c⁷oa⁴-ti⁴ c⁷oe³ts⁷oa²³ cao⁴ cjoa⁴fa³⁷ai³tsjen³-na⁴. Se³ cao⁴ espíritu-na⁴, to⁴nca³ c⁷oa⁴-ti⁴ se³ cao⁴ cjoa⁴fa³⁷ai³tsjen³-na⁴.

16 Tsa² c⁷oai⁴-lai⁴ cjoa⁴nta³ Ni³na¹ cao⁴ je² espíritu-li⁴, je² xi³ ti¹jna³ xi³ tsin²-le⁴ je² cjoa⁴tjao²-vi⁴, jo¹ coi⁴tso⁴ c⁷oa⁴ ca²ta³ma³ t⁷a³ts⁷e⁴ cjoa⁴ xi³ v⁷ai²-lai⁴ cjoa⁴nta³ Ni³na¹, nca³ tsi² tsa² coi³ ve³ je² xi³ c⁷oa⁴ca²si³.

17 Cjoa⁴qui²xi⁴ ji³ nta³ v⁷ai²-lai⁴ cjoa⁴nta³ Ni³na¹, to⁴nca¹ je² xi³jnc³ li²jme³ xi³ coin⁴nc⁷a³-ni³.

18 Tsjoa³-le⁴ cjoa⁴nta³ Ni³na¹ nca³ nqui²sa⁴ nchja²³ en¹cja⁴⁷ai¹ cao⁴-ni³ tsa² jon² nca³ts⁷io³.

19 To⁴nca³ ya⁴jⁱⁿ³-le⁴ na⁴xi⁴na³nta¹-le⁴ Cristo nqui²sa⁴ me³-na³ coi³nchja²³ aon² en¹ cao⁴ cjoa⁴fa³⁷ai³tsjen³-na⁴, jme¹-ni³ nca³ n⁷ion¹ nta³ xin¹ya³-si¹ni³le⁴ xi³c⁷a³ cao⁴-ni³ tsa² te³ jmi³ en¹ xi³ cao⁴ en¹cja⁴⁷ai¹.

20 Nts⁷e³ a³li² c⁷oa⁴-jin²s⁷in² to⁴⁷nti¹ mao³ t⁷a³ts⁷e⁴ cjoa⁴fa³⁷ai³tsjen³-no³, to⁴nca³ ⁷nti¹ ca²ta³mao³ t⁷a³ts⁷e⁴ cjoa⁴ts⁷en⁴, to⁴nca³ jchi¹nca³ ca²ta³mao³ t⁷a³ts⁷e⁴ cjoa⁴fa³⁷ai³tsjen³-no³.

21 Ya⁴ cjoa⁴te¹xo³ma³ c⁷oa⁴-s⁷in² tji¹t⁷a³: Cao⁴ xi³ cja⁴⁷ai¹ en¹, c⁷oa⁴ cao⁴ ts⁷oa³ xi³ cja⁴⁷ai¹ coi³nchja²coa⁴ je² cho⁴ta⁴na⁴xi⁴na³nta¹-vi⁴, ni⁴c⁷oa⁴-jin²s⁷in² cjo⁴nch⁷oe¹-na³, tso² je² Nai³-na¹.

22 C⁷oa⁴-s⁷in² nca³ je² en¹cja⁴⁷ai¹ choa⁴ma³, li²coi³ xi³ t⁷a³ts⁷e⁴ xi³ ma³cjain¹-le⁴, to⁴nca³ xi³ t⁷a³ts⁷e⁴ je² xi³ tsi² ma³cjain¹-le⁴, to⁴nca³ je² xi³ no²cjoa⁴ya³-ni³ li²coi³ c⁷oa⁴s⁷in¹ xi³ t⁷a³ts⁷e⁴ je² xi³ tsi² ma³cjain¹-le⁴,

to⁴nca³ xi³ t⁷a³ts⁷e⁴ je² xi³ ma³cjain¹-le⁴.

23 Tsa² c⁷oa⁴-la²ni³s⁷in² tsa² nca³ts⁷i³
na⁴xi⁴na³nta¹-le⁴ Cristo to⁴jnc³ coan⁴ña³, c⁷oa⁴ tsa²
en¹cja⁴⁷ai¹ nchja⁴ nca³ts⁷i³, c⁷oa⁴ tsa² fa³⁷a³s⁷en³ je²
xi³ tsin²-le⁴ je² cjoa⁴tjao²-vi⁴ a³xo⁴ xi³ tsi² ma³cjain¹-
le⁴, a³ tsi² coi⁴tso⁴ nca³ c⁷oa⁴-s⁷in² sca¹ cji³ma³-no³.

24 To⁴nca³ tsa² nca³ts⁷i³ nchja⁴ya³, c⁷oa⁴
fa³⁷a³s⁷en³ jnc³ xi³ tsi² ma³cjain¹-le⁴ a³xo⁴ xi³
tsin²-le⁴ je² cjoa⁴tjao²-vi⁴, c⁷oa⁴-s⁷in² aon³ ma³-
ni³le⁴ je¹-le⁴ xi³ to⁴⁷a³ts⁷e⁴ nca³ts⁷i³ xi³ nchja⁴ya³,
c⁷oa⁴ co³t⁷a³-ni³ yao³-le⁴ ni⁴ma⁴-le⁴ jo³ cjoan³.

25 Je² xi³ ti¹jna³⁷ma³ ya⁴j³in³ ni⁴ma⁴-le⁴, c⁷oa⁴-s⁷in²
ya³son²tsen³-le⁴. C⁷oa⁴-s⁷in² coa¹jna³tsa³cjan²nqui³
xcon⁴, scoe⁴xcon¹ Ni³na¹, si⁴²qui²xi⁴ya³ nca³ ña³qui³
cjoa⁴qui²xi⁴ Ni³na¹ ti¹jna³j³in³-no³.

26 Jme¹-ni³ tso²c⁷oa⁴, nts⁷e³. C⁷ia⁴ nca³ ma³ña³,
nca³ jnc³o¹jnc³o¹ nca³ jon² tj³in¹-le⁴ en¹-le⁴ Ni³na¹,
tj³in¹-le⁴ cjoa⁴fa³⁷ai³tsjen³ xi³ va³co¹ya³, tj³in¹-le⁴ xi³
va³co¹son²tsen³, tj³in¹-le⁴ en¹cja⁴⁷ai¹, c⁷oa⁴ tj³in¹-le⁴ xi³
si¹c⁷a³to³ya³. C⁷oa⁴-s⁷in² ca²ta³ma³ nca³yi³je³ nca³
nta³ coin⁴nc⁷a³-nio³.

27 Tsa² tj³in¹ xi³ coi⁴nchja⁴ en¹cja⁴⁷ai¹, ca²ta³nchja⁴
tsa² to⁴jao² a³xo⁴ to⁴jan²-sa³, nca³ jnc³o¹jnc³o¹
ca²ta³v⁷a³cao⁴-le⁴, c⁷oa⁴ jnc³ xi³ ca²ta³si¹c⁷a³to³ya³
en¹.

28 Tsa² tsin² xi³ si¹c⁷a³to³ya³, to⁴jyo¹ ca²t⁷e²jna³
ya⁴j³in³-le⁴ na⁴xi⁴na³nta¹-le⁴ Cristo. Ca²ta³nchja⁴cao⁴
yao³-le⁴, c⁷oa⁴cao⁴ Ni³na¹.

29 C⁷oa⁴-ti⁴s⁷in² je² cho⁴ta⁴ xi³ nchja⁴ya³,
ca²ta³nchja⁴ nca³ to⁴jao² a³xo⁴ jan²-sa³, c⁷oa⁴ xi³c⁷a³
ca²ta³co³son²-ni³le⁴.

30 C⁷oa⁴ tsa² nqui²jnc³ xi³ c⁷oa⁴-s⁷in² ti¹jna³,

tsa² je²-vi⁴ coan⁴tsen³ya³jin³-le⁴, jyo¹ ca²t⁷e²jna³ xi³ ti¹tjon².

31 Nca³ coan⁴-no³ nca³ts⁷io³ nca³ coi⁴no²cjoa⁴yao³ nca³ jnco¹jnc¹³, jme¹-ni³ nca³ nca³ts⁷i³ coan⁴-si¹ni³le⁴, c⁷oa⁴ nca³ts⁷i³ coan⁴n⁷ion¹jin³-si¹ni³.

32 C⁷oa⁴ je² espíritu-le⁴ cho⁴ta⁴ xi³ nchja⁴ya³ na³nqui³ tjio¹-le⁴ cho⁴ta⁴ xi³ nchja⁴ya³.

33 Ni³na¹ a³li² je²-jin² xi³ tsjoa¹ cjoa⁴si³, to⁴nca³ si¹qui³njen³nch⁷an¹jin³, jo³-ni³ ya⁴jin³-le⁴ nca³ts⁷i³ na⁴xi⁴na³nta¹-le⁴ xi³ ts⁷e⁴ cho⁴ta⁴-le⁴ Cristo.

34 Je² ya¹nchjin¹-no³ to⁴jyo¹ ca²ta³tio² ya⁴jin³-le⁴ na⁴xi⁴na³nta¹-le⁴ Cristo, nca³ tsi² tsa² tjin¹-le⁴ nte³ nca³ coi⁴nchja⁴, to⁴nca³ na³nqui³ ca²ta³tio², jo³ nca³ c⁷oa⁴-ti⁴ tso² cjoa⁴te¹xo³ma³.

35 C⁷oa⁴ tsa² jme³ cjoa⁴ xi³ me³-le⁴ nca³ sco¹t⁷a³ya³, ca²ta³co³na³nqui³-le⁴ je² x⁷in⁴-le⁴ ya⁴ ni³ya³-le⁴. Ch⁷ao³ tjin¹-ni³ cjoa⁴ nca³ nchja⁴ jnc³ chjon⁴² jña³ ma³ña³ na⁴xi⁴na³nta¹-le⁴ Cristo.

36 Jme¹-ni³, a³ jon² ji³tjo³jin³-no³ je² en¹-le⁴ Ni³na¹, a³xo⁴ to⁴jon² ji³cho²jin³-no³.

37 Tsa² jnc³ xi³ si¹cja³⁷ai³tsjen³ nca³ coi³ cho⁴ta⁴ xi³ nchja⁴ya³, a³xo⁴ xi³ tjin¹-le⁴ cjoa⁴tjao²-le⁴ Espíritu Santo, ca²ta³ve³qui²xi⁴ nca³ je² xi³ ti²cji³t⁷a³-no³vi⁴ nca³ coi³ cjoa⁴te¹xo³ma³-le⁴ Nai³-na¹.

38 To⁴nca³ tsa² jnc³ xi³ tsi²coi³ ve³ je²-vi⁴, c⁷oa⁴-s⁷in² ca²ta³v⁷e²jna³.

39 C⁷oa⁴-s⁷in², nts⁷e³, t⁷e²-ta³con²lao⁴³ nca³ coi³no²cjoa⁴yao³. A³li² v⁷e²chjoa²-jin²lao⁴³ nca³ en¹cja⁴⁷ai¹ nchja⁴ xi³c⁷a³.

40 To⁴nca³ c⁷oa⁴-s⁷in² nta³ ca²ta³ma³, ntia³²ntia³² ta⁴nquin¹cao⁴³ nca³yi³je³ cjoa⁴.

15

Xi³ t⁷a³ts⁷e⁴ cjoa⁴fa³a¹ya³ xi³ ts⁷e⁴ c⁷en³

1 Nt⁷ai⁴ si³qui²xi⁴ya³-no³, nts⁷e³, je² en¹nta³ xi³ t⁷a³ts⁷e⁴ Cristo xi³ c⁷oa⁴-s⁷in² qui³nchja²ya³jin³-no³, jña³-le⁴ xi³ c⁷oa⁴-ti⁴ qui³chjoao¹³, jña³-le⁴ xi³ c⁷oa⁴-ti⁴ ti³yo³cao⁴³,

2 jña³-le⁴ xi³ t⁷a³ts⁷e⁴ vi²tjo⁴ntjai²-nio³, tsa² tsi² to⁴ya³-ni³ coan³cjain¹-no³, tsa² to⁴jo³ ntoa³n⁷ion¹-nio³ je² en¹ jo³-s⁷in² qui³nchja²ya³-no³.

3 Nca⁴ je² xi³ nqui²sa⁴ n⁷ion¹ ma³chjen¹ xi³ c⁷oa⁴-s⁷in² qui³ts⁷ai²-na³, ti⁴coi³ tsa³ca³co³ya²³-no³: Nca³ Cristo c⁷en³ xi³ t⁷a³ts⁷e⁴ je¹-na¹, jo³-s⁷in² tji¹t⁷a³ xon⁴ Escritura,

4 nca³ qui³s⁷e³ñai³, nca³ ja³a²ya³-ni³le⁴ nca³ coan³jan²-ni³ ni⁴čhjin³, jo³-s⁷in² tji¹t⁷a³ xon⁴ Escritura,

5 c⁷oa⁴ nca³ ts⁷a³tsen³-le⁴ Cefas, c⁷ia⁴ coan³scan³-ni³ je² xi³ te³jao²-ve⁴.

6 Coan³scan³-ni³ jnco³ c⁷a²-cjoan² ts⁷a³tsen³-le⁴ nts⁷e³² xi³ to⁴jnco³ tjio¹ xi³ ts⁷a³to³ aon² ciento ma³-ni³. Xi³ nqui²sa⁴-sa³ ncjin² to⁴jo³ tjio¹con³, to⁴nca³ tjin¹ c⁷a³ xi³ je³c⁷en³.

7 Coan³scan³-ni³ ts⁷a³tsen³-le⁴ Jacobo, coan³scan³-ni³ nca³ts⁷i³ pa²stro⁴.

8 C⁷oa⁴ je² xi³ fe³t⁷a³-ni³ nca³ts⁷i³, ts⁷a³tsen³-na³ nca³ an³, jo³-ni³ jnco³ n⁷ti¹ xi³ to⁴qui³njen²taon³.

9 An³ nia¹³ pa²stro⁴ xi³ nqui²sa⁴ na³nqui³ ti¹jna³-sa³le⁴ xi³c⁷a³ pa²stro⁴, nca³ tsi² tsa² va³quin²-na³ nca³ c⁷oa⁴mi²-na³ pa²stro⁴, nca³ co²ntran⁴ qui³-le⁴ je² na⁴xi⁴na³nta¹-le⁴ Ni³na¹.

10 To⁴nca³ cao⁴ cjoa⁴nta³-le⁴ Ni³na¹ c⁷oa⁴2cjoan³ jo³ cjoan³. C⁷oa⁴ je² cjoa⁴nta³-le⁴ li² to⁴cjoa⁴tjao²-jin² qui³tsjoa³-na³ nca³ an³, to⁴nca³ nqui²sa⁴ n⁷ion¹ qui³si³xa¹³ cao⁴-ni³ tsa² nca³ts⁷i³ nca³ je², to⁴nca³ li² an³-jian²³, to⁴nca³ je² cjoa⁴nta³-le⁴ Ni³na¹ xi³ ti¹jna³cao⁴-na³.

11 Tsa² an³, a³xo⁴ tsa² je², c⁷oa⁴-s⁷in² no²cjoa⁴yai³⁴-jin⁴, c⁷oa⁴ c⁷oa⁴-s⁷in² coan³cjain¹-no³ nca³ jon².

12 To⁴nca³ tsa² Cristo c⁷oa⁴-s⁷in² no²cjoa⁴ya³-ni³ nca³ qui³ni²cja³⁷a¹ya²jin³-ni³le⁴ je² xi³ c⁷en³, a³ coan⁴ c⁷a³-le⁴ nca³ jon² nca³ c⁷oi⁴coi⁴tso⁴ nca³ tsin² cjoa⁴fa³⁷a¹ya³ xi³ ts⁷e⁴ c⁷en³.

13 Tsa² tsin² cjoa⁴fa³⁷a¹ya³ xi³ ts⁷e⁴ c⁷en³, Cristo c⁷oa⁴-ti⁴ ni⁴coi³-jin² qui³ni²cja³⁷a¹ya²-le⁴.

14 Tsa² Cristo li²coi³ qui³ni²cja³⁷a¹ya²-le⁴, to⁴ya³-jin²ni³ tso²c⁷oa⁴ xi³ no²cjoa⁴yai³-jin⁴, c⁷oa⁴-ti⁴ to⁴ya³-jin²ni³ xi³ ma³cjain¹-no³.

15 C⁷oa⁴-ti⁴ jin⁴-jin⁴ tji¹tsen³ nca³ testigo nti³so³ ni¹⁴-jin⁴ xi³ t⁷a³ts⁷e⁴ Ni³na¹, nca³ c⁷oa⁴-s⁷in² qui³ts⁷ai²-jin⁴ en¹-na⁴jin⁴ xi³ t⁷a³ts⁷e⁴ Ni³na¹ nca³ je² xi³ c⁷oa⁴-s⁷in² qui³si³cja³⁷a¹ya²-le⁴ Cristo, jña³-le⁴ xi³ tsi² qui³si³cja³⁷a¹ya²-le⁴, tsa² cjoa⁴qui²xi⁴ nca³ je² xi³ c⁷en³ tsi² fa³⁷a¹ya³-le⁴.

16 Tsa² je² xi³ c⁷en³ li²coi³ ni²cja³⁷a¹ya²-le⁴, c⁷oa⁴-ti⁴ Cristo li²coi³ qui³ni²cja³⁷a¹ya²-ni³le⁴.

17 Tsa² Cristo li²coi³ qui³ni²cja³⁷a¹ya²-ni³le⁴, to⁴ya³-jin²ni³ xi³ ma³cjain¹-no³, to⁴jo³ ti³yo³jion³ je¹-no³.

18 C⁷oa⁴-ti⁴ je² xi³ qui³t⁷a³-le⁴ Cristo xi³ je³c⁷en³, c⁷oa⁴-s⁷in² qui³cha³.

19 Ña¹ xi³ vi³yo³choan³² i⁴ son³⁷nte³-vi⁴, tsa²

to⁴cjoa⁴cho³ya²cao⁴cjoa⁴ xi³ tjin¹-na¹ xi³ to⁴t⁷a³ts⁷e⁴
Cristo, v⁷a³cao⁴-na¹ nca³ nqui²sa⁴ scoe⁴ma⁴-na¹
cao⁴-ni³ tsa² nca³ts⁷i³ cho⁴ta⁴.

20 To⁴nca³ nt⁷ai⁴ Cristo je³qui³ni²cja³⁷a¹ya²jⁱⁿ³-
ni³le⁴ je² xi³ c⁷en³. Je² xi³ coan³ tjon²-le⁴ je² xi³
je³c⁷en³.

21 Jo³-s⁷in² nca³ je² cjoa⁴vi³ya³ ja³⁷ai³ xi³ t⁷a³ts⁷e⁴
jnco³ cho⁴ta⁴, c⁷oa⁴-ti⁴ xi³ t⁷a³ts⁷e⁴ jnco³ cho⁴ta⁴
ja³⁷ai³ cjoa⁴fa³⁷a¹ya³-le⁴ xi³ c⁷en³.

22 Jo³-s⁷in² xi³ t⁷a³ts⁷e⁴ Adán nca³ts⁷i³
m⁷en³, c⁷oa⁴-ti⁴s⁷in²ni³ t⁷a³ts⁷e⁴ Cristo nca³ts⁷i³
si⁴c⁷e¹yo³con³-ni³.

23 To⁴nca³ nca³ jnco¹jnco¹ jo³-s⁷in² v⁷a³cao⁴-le⁴,
Cristo je² xi³ tjon²-le⁴ coan³, scan³ je² xi³ ts⁷e⁴
Cristo, c⁷ia⁴ nca³ cjoa⁴⁷ai¹ nca³ je².

24 C⁷ia⁴ je² xi³ cjoe⁴t⁷a³, c⁷ia⁴ nca³ tsjoa¹-le⁴
cjoa⁴te¹xo³ma³-le⁴ je² Ni³na¹ c⁷oa⁴ N⁷ai³-na¹, c⁷ia⁴
nca³ si⁴²qui³xo²ya³ nca³ts⁷i³ xi³ tjio¹ ti¹tjon², c⁷oa⁴
nca³ts⁷i³ xi³ tjin¹-le⁴ nca³n⁷ion¹, c⁷oa⁴ nca³ts⁷i³ xi³
va³te¹xo³ma³.

25 Nca⁴ tjin¹-ni³ nca³ je² coa⁴te²xo³ma³ sa³⁷nta³
nca³ coa⁴tio²nqui³ ntso⁴co⁴ nca³ts⁷i³ co²ntran⁴-le⁴.

26 C⁷oa⁴ je² co²ntran⁴-le⁴ xi³ fe³t⁷a³-ni³ xi³
coi⁴xo⁴ya³, coi³ cjoa⁴vi³ya³.

27 Nca³yi³je³ cjoa⁴ qui³si³ca³tio² nqui³ntso⁴co⁴.
C⁷ia⁴ nca³ tso²: Nca³yi³je³ cjoa⁴ c⁷oa⁴-s⁷in²
qui³ni²ca³tio²nqui³-le⁴ nca³ je², ña³qui³ tji¹tsen³
nca³ xin² ti¹jna³ je² xi³ qui³si³ca³tio²nqui³-le⁴ nca³
je² nca³yi³je³ cjoa⁴.

28 C⁷ia⁴ nca³ nca³yi³je³ cjoa⁴ na³nqui³ sa⁴tio²-
le⁴, c⁷ia⁴ ti⁴je²-ni³ n⁷ti¹-le⁴ na³nqui³ c⁷oe¹jna³-le⁴

je² xi³ na³nqui³ tsa³c²e¹jna³-le⁴ nca³ je² nca³yi³je³
cjoa⁴, jme¹-ni³ nca³ Ni³na¹ coan⁴yi³je³-si¹ni³ t⁷a³ts⁷e⁴
nca³ts⁷i³.

²⁹ Tsa² tsin²-la²ni³ c⁷oa⁴-s⁷in², jme¹ xi³ s⁷in⁴² je²
xi³ sa³te²nta¹ xi³ t⁷a³ts⁷e⁴ c⁷en³, tsa² ni⁴jo³-jin²s⁷in²
ni²cja³⁷a¹ya²-ni³le⁴ xi³ c⁷en³. A¹-ni³ tso²c⁷oa⁴ nca³
sa³te²nta¹-si¹ni³ xi³ t⁷a³ts⁷e⁴ c⁷en³.

³⁰ C⁷oa⁴-ti⁴ ña¹, a¹-ni³ nca³ xcon¹ vi³ma³-si¹nia³²
to⁴jme³ hora-ni³.

³¹ Jo³-s⁷in² nca³ v⁷a³sje³je³ya²³ yao³-na⁴ t⁷a³tsaon⁴³
nca³ ti³yo³coa⁴² Cristo Jesús, c⁷oa⁴-s⁷in² nca³
nchaon³nchaon³ m⁷en³.

³² Tsa² an³ qui³scan³coa⁴ xa³ ya⁴ Efeso, jo³ s⁷in¹
cho⁴ta⁴, jme¹ xi³ njen³-na³. Tsa² je² xi³ c⁷en³ li²coi³
ni²cja³⁷a¹ya²-le⁴, coi⁴cha², s⁷ioa⁴², nca³ nchaon³-li⁴
coi⁴ya²-nia³².

³³ A³li² ch⁷a²na⁴cha⁴-jin²no³. Je² mi²yo⁴ xi³ tsi²
nta³, je² xi³ si¹qui³tson¹ xi³ nta³ tjin¹.

³⁴ Ti⁴cja³⁷a¹-lao⁴³ yao³-no³, ti⁴cja³⁷ai³tsjaon³ xi³
cjoa⁴qui²xi⁴, c⁷oa⁴ a³li² je¹-jin² ti⁴vi³jnchi³-nio³, nca³
tjin¹ c⁷a³ xi³ li²coi³ ve³ Ni³na¹. An³ nchja²³ nca³
si³soa³-no³.

³⁵ To⁴nca³ tjin¹ c⁷a³ xi³ coi⁴tso⁴: Jo¹ s⁷in²
si⁴cja³⁷a¹ya²-ni³le⁴ xi³ c⁷en³. Jo¹ cjoan³ yao³-le⁴
xi³ cjoa⁴⁷ai¹cao⁴-ni³.

³⁶ A³ sca¹ya³-li². Je² xi³ v⁷e²ntjai²³, tsa² tsi²
to⁴nqui³-ni³ vi³ya³, li²coi³ v⁷e²yo³con³.

³⁷ C⁷oa⁴ je² xi³ v⁷e²ntjai²³, li²coi³ c⁷oa⁴cji³ yao³-
le⁴ jo³ cji³ nca³ coan⁴cha¹, to⁴nca³ v⁷e²ntjai²³ je²
na⁴xin⁴ nca³ to⁴c⁷oa⁴cjoan³, tsa² ts⁷e⁴ trigo, a³xo⁴
tsa² ts⁷e⁴ xi³ cja⁴⁷ai¹ na⁴xin⁴.

³⁸ To⁴nca³ Ni³na¹ tsjoa¹-le⁴ yao³-le⁴ jo³-s⁷in²

coan³me³-le⁴, c⁷oa⁴ nca³ jnco¹jnco¹ ntje⁴ ti⁴ts⁷e⁴-ni³ yao³-le⁴.

³⁹ Nca³yi³je³ yao³ li²coi³ to⁴nco¹son², to⁴nca³ jnco³ yao³ xi³ cjoa⁴qui²xi⁴ ts⁷e⁴ cho⁴ta⁴, c⁷oa⁴ nqui²jnco³ yao³ xi³ ts⁷e⁴ cho⁴, c⁷oa⁴ nqui²jnco³ xi³ ts⁷e⁴ jti⁴, c⁷oa⁴ nqui²jnco³ xi³ ts⁷e⁴ ni⁴se³.

⁴⁰ Tjin¹ yao³ xi³ ts⁷e⁴ nc⁷a³jmi³, c⁷oa⁴ tjn¹ yao³ xi³ ts⁷e⁴ son³⁷nte³, to⁴nca³ xi³ cjoa⁴qui²xi⁴ jnco³ cjoa⁴je³ya³-le⁴ xi³ ts⁷e⁴ nc⁷a³jmi³, to⁴nca³ cja⁴⁷ai¹-nca¹ cjoan³ cjoa⁴je³ya³-le⁴ xi³ ts⁷e⁴ son³⁷nte³.

⁴¹ Nqui²jnco³ cjoa⁴je³ya³-le⁴ ts⁷oi¹, c⁷oa⁴ nqui²jnco³ cjoa⁴je³ya³-le⁴ sa¹, c⁷oa⁴ nqui²jnco³ cjoa⁴je³ya³-le⁴ ni³ño³, nca⁴ jnco³ ni³ño³ cja⁴⁷ai¹-nca¹ cji³ cjoa⁴je³ya³-le⁴ cao⁴-ni³ tsa² ts⁷e⁴ xi³ nqui²jnco³.

⁴² C⁷oa⁴-ti⁴s⁷in²ni³ cao⁴ cjoa⁴fa³⁷a¹ya³-le⁴ xi³ c⁷en³. S⁷e³ñai³ je² xi³ to⁴fi³tson³ya²-ni¹, to⁴nca³ ni²cja³⁷a¹ya²-le⁴ je² xi³ li²coi³ fi³tson³.

⁴³ S⁷e³ñai³ cao⁴ cjoa⁴soa³, ni²cja³⁷a¹ya²-le⁴ cao⁴ cjoa⁴je³ya³. S⁷e³ñai³ cao⁴ cjoa⁴⁷i³nta³, ni²cja³⁷a¹ya²-le⁴ cao⁴ nca³n⁷ion¹.

⁴⁴ S⁷e³ñai³ yao³ xi³ to⁴xquia⁴ yao³, ni²cja³⁷a¹ya²-le⁴ yao³ xi³ ts⁷e⁴ espíritu. Tjin¹ yao³ xi³ to⁴xquia⁴ yao³, c⁷oa⁴-ti⁴ tjn¹ yao³ xi³ ts⁷e⁴ espíritu.

⁴⁵ C⁷oa⁴-ti⁴s⁷in² tji¹t⁷a³: Je² ti¹tjon² x⁷in⁴ xi³ Adán⁷mi², coan³ ni⁴ma⁴ xi³ ti¹jna³con³, c⁷oa⁴ je² Adán xi³ je³t⁷a³-ni³ coan³ espíritu xi³ si¹c⁷e¹jna³con³.

⁴⁶ To⁴nca³ je² xi³ ts⁷e⁴ espíritu, a³li² je²-jin² xi³ ti¹tjon², to⁴nca³ je² xi³ to⁴xquia⁴ yao³, c⁷ia⁴ je² xi³ ts⁷e⁴ espíritu.

⁴⁷ Je² x⁷in⁴ xi³ ti¹tjon² xi³ ts⁷e⁴ son³⁷nte³-vi⁴, ni³⁷nte³ ni¹. Je² x⁷in⁴ xi³ ma³jao²-ni³, xi³ je² Nai³-na¹,

ts⁷e⁴ nc⁷a³jmi³ ni¹.

48 Jo³ cjoan³ je² xi³ ni³⁷nte³ coan³nta³-ni³, c⁷oa⁴-ti⁴s⁷in² cjoan³-sa³ je² xi³ ts⁷e⁴ ni³⁷nte³. Jo³ cjoan³ je² xi³ ts⁷e⁴ nc⁷a³jmi³, c⁷oa⁴-ti⁴s⁷in² cjoan³-sa³ je² xi³ ts⁷e⁴ nc⁷a³jmi³.

49 Jo³-s⁷in² nca³ tj¹in¹-na¹ sen¹-le⁴ xi³ ts⁷e⁴ ni³⁷nte³, c⁷oa⁴-ti⁴ s⁷e⁴-na¹ sen¹-le⁴ xi³ ts⁷e⁴ nc⁷a³jmi³.

50 To⁴nca³ c⁷oa⁴xian³ je²-vi⁴ nts⁷e³ nca³ je² yao³ cao⁴ njin¹-na¹ li²coi³ coan⁴ s⁷e⁴cjoa⁴tjao²-le⁴ cjoa⁴te¹xo³ma³-le⁴ Ni³na¹, ni⁴je²-jin² xi³ fi³tson³ya² coan⁴ s⁷e⁴cjoa⁴tjao²-le⁴ je² xi³ tsi² fi³tson³.

51 Coe⁴-ni³ an³ c⁷oa⁴xin³-no³ jnco³ cjoa⁴ma³. Xi³ cjoa⁴qui²xi⁴, li²coi³ nca³ts⁷ia³² coi⁴ya², to⁴nca³ nca³ts⁷i³ nia¹ ni⁴c⁷a³ntjai²ya³-na¹,

52 xi³ nti⁴ton⁴nti⁴ton⁴ xi³ to⁴jnco³ ni²c⁷a³jtsoa³² xcoan³², c⁷ia⁴ nca³ je² čhjao³ xi³ fe³t⁷a³-ni³ cjoa⁴ne³. C⁷oa⁴-s⁷in² cjoa⁴ne³ je² čhjao³, c⁷oa⁴ je² xi³ c⁷en³ si⁴cja³⁷a¹ya²-ni³le⁴ nca³ tsi² cjo⁴tson², c⁷oa⁴ ña¹ c⁷oa⁴-s⁷in² ni⁴c⁷a³ntjai²ya³-na¹.

53 Nca⁴ c⁷oa⁴-s⁷in² tj¹in¹-ni³ je²-vi⁴ xi³ fi³tson³ya² nca³ c⁷oa⁴cja¹ xi³ tsi² fi³tson³, c⁷oa⁴ je² yao³ xi³ vi³ya³ nca³ c⁷oa⁴cja¹ je² xi³ tsi² vi³ya³.

54 C⁷oa⁴ c⁷ia⁴ nca³ je² xi³ fi³tson³-vi⁴ c⁷oa⁴-s⁷in² c⁷oa⁴cja¹ je² xi³ tsi² fi³tson³, c⁷oa⁴ je² xi³ vi³ya³ c⁷oa⁴cja¹ je² xi³ tsi² vi³ya³, c⁷ia⁴ coi⁴tjo³son² je² en¹ xi³ tji¹t⁷a³: Je² cjoa⁴vi³ya³ je³chi³xo²ya³, nca³ je³qui³ni²qui³njen³-le⁴.

55 Ji³ cjoa⁴vi³ya³, jña¹ ti¹jna³ na³⁷ya¹ts⁷in³-li⁴. C⁷oa⁴ ji³ tsjo¹, jña¹ ti¹jna³ xi³ qui³njen²-li².

56 Je² na³⁷ya¹ts⁷in³-le⁴ cjoa⁴vi³ya³, coi³ je¹, c⁷oa⁴ je² nca³n⁷ion¹-le⁴ je¹, coi³ cjoa⁴te¹xo³ma³.

57 To⁴nca³ Ni³na¹ ca²ta³v⁷ai²-le⁴ cjoa⁴nta³, nca³ ti¹tsjoa¹-na¹ nca³ ni²qui³njen³² xi³ to⁴t⁷a³ts⁷e⁴ je² Nai³-na¹ Jesucristo.

58 C⁷oa⁴-s⁷in², nts⁷e³ xi³ tsjoa³que⁴-no³, qui²xi⁴ ti⁴yo³. A³li² ni²c⁷a³ntjai²ya³-jion²³. Nqui²sa⁴ tse³ ti⁴xa¹sa³lao⁴³ Nai³-na¹ nca³ntsjai², nca⁴ ⁷ya³-nio¹³ nca³ je² xa¹-no³ nca³ ti³yo³cao⁴³ Nai³-na¹ a³li² to⁴cjoa⁴tjao²-jin².

16

Xi³t⁷a³ts⁷e⁴taon⁴xi³ma³ña³xi³t⁷a³ts⁷e⁴cho⁴ta⁴-le⁴Cristo

¹Xi³t⁷a³ts⁷e⁴taon⁴xi³ma³ña³xi³t⁷a³ts⁷e⁴cho⁴ta⁴-le⁴ Cristo, c⁷oa⁴t⁷iaon⁴³ nca³ jon² jo³-s⁷in² nca³ tsa³c⁷e³ne²³-le⁴ je² na⁴xi⁴na³nta¹-le⁴ Cristo ya⁴ Galacia.

²Nca³ tai²nco⁴ nca³ jnco¹jnco¹ nca³ jon² t⁷e²yo³tjao² t⁷a³xion²³ taon⁴ ya⁴ ni³⁷ya³-no³, jo³-s⁷in² nca³ to⁴cjoa⁴nta³-le⁴ Ni³na¹ s⁷e⁴-no³, jme¹-ni³ nca³ tsi² c⁷ia⁴ coan⁴ña³-si¹ni³ taon⁴, c⁷ia⁴ nca³ an³ cjo³choa³.

³C⁷ia⁴ nca³ cjo³choa³, je² xi³ jon² chja³⁷a²jion³, je²-vi⁴ xi³ an³ si³ca³sen¹coa⁴ xon⁴ nca³ coai⁴cao⁴ je² cjoa⁴tjao²-no³ ya⁴ Jerusalén.

⁴Tsa² va³quin²-le⁴ cjoa⁴ma⁴-ve⁴ nca³ c⁷oa⁴-ti⁴ cjoia¹³ an³, coai⁴cao⁴-na³.

Pablo coai⁴ya⁴Corinto

⁵C⁷oa⁴ cjo¹con³-no³ nca³ jon², c⁷ia⁴ nca³ cjoe⁴ cjoa²⁷a⁴toa³ ya⁴ Macedonia, nca³ tj¹in¹nta³-na³ nca³ cjoa²⁷a⁴ ya⁴ Macedonia.

⁶C⁷oa⁴ tsa² coi³ ni⁴čhjin³ coa²te⁴jna³cao⁴-no³ nca³ jon², a³xo⁴ c⁷oa⁴-ti⁴ ya⁴ coa²te⁴jna³ chan⁴nch⁷an¹,

jme¹-ni³ nca³ jon² coi⁴ncha³cao⁴-si¹ni³nao¹³ to⁴jña³-ni³ nca³ cjoia¹³.

7 Nca⁴ tsi² tsa² me³-na³ nt²ai⁴-vi⁴ nca³ to⁴cjoa²⁷a⁴ co³tse³to³-no³, nca³ co³ya²³-nia¹³ nca³ coa²te⁴jna³cao⁴-no³ jo³ tj¹in¹ ni⁴ch³jin³ tsa² je² Nai³-na¹ tsjoa¹⁷nte³.

8 To⁴nca³ coa²te⁴jna³ ya⁴ Efeso sa³⁷nta³ s²oi¹ Pentecostés,

9 nca⁴ qui³tjo³⁷ai²⁷nte³-na³ xi³ n²ion¹ tse³ tj¹in¹ nca³ n²ion¹ ma³ch³jen¹, c²oa⁴ ncjin² ma³-ni³ xi³ co²ntran⁴ fi².

10 Tsa² coi⁴cho³ Timoteo, cho¹tse³-lao⁴³ nca³ c²oe¹jna³cao⁴-no³, nca³ tsi² cjoa⁴jcon³ s²e⁴-le⁴, nca⁴ c²oa⁴²-ti⁴ je² si¹xa¹-le⁴ Nai³-na¹ jo³-ni³ nca³ an³.

11 To⁴coi³ ni⁴⁷ya³-jin² xi³ ch²ao³ ca²ta³ve³, to⁴sa³ nch²an¹ cha⁴ni²ya⁴ntiao⁴² jme¹-ni³ nca³ cjoia⁴nchoa³con³-si¹ni³na³, nca³ ti²co³ya²³-le⁴ cao⁴ je² nts²e³².

12 Xi³ t²a³ts²e⁴ nts²e³², Apolos, li² c²oa⁴cji³ tsa³c²e³ts²oa²³-le⁴ nca³ coai⁴con³-no³ nca³ jon² cao⁴ je² nts²e³². To⁴nca³ ni⁴⁷i⁴tse¹-jin² coan³jyo³-le⁴ nca³ qui³ nt²ai⁴-vi⁴. To⁴nca³ coai⁴ c²ia⁴ nca³ s²e⁴-le⁴ nte³.

Cjoa⁴ni²ti²⁷nta³ xi³ fe³t²a³

13 Ti⁴yo³chon³⁷ntao³, n²ion¹ ti⁴yo³cao⁴³ xi³ ma³cjain¹-no³, c²oa⁴ n²ion¹ ta²ja³ ti⁴yo³, c²oa⁴ chjoao¹³ nca³n²ion¹.

14 C²oa⁴ nca³yi³je³ cjoa⁴ xi³ tsaon⁴³ c²oa⁴ca²ta³ma³ cao⁴ cjoa⁴tjao²cha³.

15 Je³⁷yao³ nca³ je² nt²ia³-le⁴ Estéfanos coi³ xi³ ti¹tjon² coan³cjain¹-le⁴ ya⁴ Acaya, xi³ tsa³c²e¹ne²-

le⁴ yao³-le⁴ nca³ c⁷oa⁴-s⁷in² tjo¹si¹sin³-le⁴ cho⁴ta⁴-le⁴ Cristo.

¹⁶ C⁷oa⁴-s⁷in² v⁷e³ts⁷oa²³-no³ nts⁷e³ nca³ c⁷oa⁴-ti⁴ jon² na³nqui³ coi⁴yo³-lao⁴³ xi³ c⁷oa⁴cjoan³, c⁷oa⁴ nca³ts⁷i³ xi³ ña³tjen⁴ si¹xa¹cao⁴-na¹, c⁷oa⁴ xi³ n⁷ion¹ si¹xa¹.

¹⁷ Ma³tsjoa³-na³ nca³ ja³⁷ai³ Estéfanos, c⁷oa⁴ Fortunato, c⁷oa⁴ Acaico, nca⁴ je²-vi⁴ xi³ qui³si³jnc³ xi³ qui³cha³-na³ nca³ tsion² nca³ jon².

¹⁸ Qui³si³n⁷ion¹con³ je² ni⁴ma⁴-na⁴, c⁷oa⁴ je² xi³ tsaon⁴³. C⁷oa⁴ nta³ jcha⁴cho⁴tao⁴³ je² xi³ c⁷oa⁴cjoan³.

¹⁹ Je² na⁴xi⁴na³nta¹-le⁴ Cristo xi³ ts⁷e⁴ Asia si¹ti²⁷nta³-no³. A³li² c⁷oa⁴cji³ si¹ti²⁷nta³-no³ nca³ tjo¹cao⁴ Nai³-na¹ je² Aquila cao⁴ Priscila, cao⁴ je² cho⁴ta⁴na⁴xi⁴na³nta¹-le⁴ Cristo xi³ ma³ña³ ya⁴ ni³⁷ya³-le⁴.

²⁰ Si¹ti²⁷nta³-no³ nca³ts⁷i³ nts⁷e³². Ti⁴ti²⁷ntao³ xi²nquio⁴³ nca³ jnc³o¹jnc³o¹ nca³ tsje³ t⁷e²⁷a³ts⁷oa³-lao⁴³ xi²nquio⁴³.

²¹ An³ xi³ Pablo ⁷mi²-na³ si³ti²⁷nta³-no³ nca³ cja³ je²-vi⁴ cao⁴ ntsa⁴.

²² Tsa² jnc³o³ xi³ tsi² tsjoa³que³ Nai³-na¹ Jesucristo, nai⁴² ca²ta³fi²cao⁴. Nai³-na¹ cjoa⁴⁷ai¹.

²³ Je² cjoa⁴nta³-le⁴ Nai³-na¹ Jesucristo ca²ta³s⁷e³-no³ nca³ jon².

²⁴ Je² cjoa⁴tjao²cha³-na⁴ ca²ta³s⁷e³-no³ nca³ts⁷io³, nca³ ti³yo³coa⁴² Cristo Jesús. C⁷oa⁴ ca²ta³ma³.

Xon⁴-le⁴ ni³na¹ xi³ tʔa³tsʔe⁴ Jesucristo
New Testament in Mazatec, Huautla
(MX:mau:Mazatec, Huautla)

copyright © 1960 Wycliffe Bible Translators, Inc.

Language: Mazatec, Huautla

Translation by: Wycliffe Bible Translators, Inc.

Mazateco, Huautla [mau], Mexico

Copyright Information

© 1960, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Mazatec, Huautla

© 1960, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 18 Apr 2025 from source files
dated 29 Jan 2022

69c7ee6e-d3c3-563f-a672-6ad58122d8ed